

湖
海
詩
傳

湖海詩傳卷二十六

青浦王昶德甫輯

趙文哲

字升之號璞面上海人乾隆二十七年 召試 賜內

閣中書列金川難 卹贈光祿寺少卿有姘雅堂飯隅

等集

蒲褐山房詩話升之賦才英敏少在申江書院得凌少司馬指授論詩以新城爲主既而與張策時安祖錫江樸懷吳企晉同學主蘇州又與子及鳳啗來殷五相砥礪於唐宋元明本朝大家名家無所不讀亦無所不工自入內閣直機地益爲子文襄公所賞鑒隨隨于入其得得江山之助所作尤變化新奇至其外佳句可摘者如菊花香遠隨蘭樹樹陰清滿爲衫眉眉露臨全臨水葉葉風帆直到門迹與騷人吟楚些些越同歌史記齊諧中年絲竹慈兒女少日梳篦儂弟兄白髮已虛始離街青山空憶草堂賞牽得碧蘿能補屋穿來黃竹解擎箱秋風遠夜雨樹頭日晴開嶽井蓮老去評量絲竹肉客來附寄影形神夕陽沽酒樂桑陰夜雨庭前苦竹州州世尚仍居士服浮家挈署散人筇矢石餘生嗟已老詞章小技愧非尋常戴鼎烹宰著述故山猿鶴懷移文羽林卒勁排鷄鶴上苑書稿斷雁鴻亦與湖海韻不能獨也

鄭學齋詩爲王德甫作

秦灰漢始噓孔壁魯乃壞五經日再中萬古破昏靄都講滿
石渠同源異流派精壘推小毛曲臺屬大戴田因高弟傳伏
藉嬌女對胥靡申所羞巫蠱孔猶晦式悲歌驪駒固困刺殺
殺餘子列儒林無譏比自鄒東京稍凌遲擊輓競雕繪圍橘
聽已非倚席講斯懈板蕩及董逃兵甲日犇駭賢官逢採薪
射圃見鋤菜零縑製膾囊大帛作帷蓋天未喪斯文川岳秀
靈在偉哉後鄭公通德卜門大器年恥就吏耕養甘負耒游
學走四方充豫更燕代於時馬扶風臬比意頗快絲竹列絳
紗三年不廻睎目送吾道東贈言發深喟六藝論既通七緯
學豈外九章窮纖毫三統究元會遂鍼左邱盲復起穀梁廢
文成百萬言決若江河沛傳家按禮經趨庭著明誠自言苦

萍浮典籍率腐敗寫定藏名山日暮遠靡屆妖夢驚龍蛇仰
止失衡岱景侯實韃材駁難逞狂喙如何宋諸儒高談氣矜
邁占易先後殊陳書古今悖春秋惟刻深鄭衛盡淫穢訓詁
束高閣膽夾吁可怪篋墩劇披猖栗主竟裁汰撼樹同蚍蜉
亂苗等秕稗一髮懸千鈞後死心孔痲王郎大雅材風華被
江介餘事稱詩人咸韶掩離韎逢時每途窮汲古獨津逮青
箱抱遺經力欲掃榛蓄沈酣笑積蟬慎重疑觸蠶妙或能解
頤快真過爬背時見抗手來伉伉壓流輩圓泖水迴羅橫雲
山點黛中有一畝官差勝三間廨高懸禁扁書體勢重金薤
平生北學心昌言震聾聵予亦鄙章句結習久未瘥志寧逐
鵲翔謗可任蟬喝敢慚筵叩鐘竊喜針引芥君能張吾軍鼓
衰期可再頗聞澱湖陰孔林接香界故物留璧環勝地絕塵

搵心非戀薤鱸謀已叶蒼蔡問奇來叩門春風長書帶

京江曉發

夢醒江月斜隱隱數柔勝舟人覺潮生掛帆逐前侶霏霏水
氣滋靄靄露華聚偶因白鷺飛烟中辨洲渚須臾散初陽已
見瓜州樹汀花何溟濛隔江夜來雨山迴露碓牀岸迴隱漁
鼓微風來炊烟人家杪無所羈心信多感景物矧如許三嘆
卽長途勞生念終古

江上復遇金棕亭同人永濟寺登觀音巖眺望作時
金將赴廣陵

微雨青楓寒鷓鴣去遙裔悠悠渡江船日暮更愁繫別君水
上樓逢君山間寺意外得攜手塵蹤暫同憩入門杪擺陰風
葉時一墜商飈從西來傾聽浩無際理策肆遐矚荆豫宛相

次崖傾隱頸陽谷遂振京吹樹杪榜歌喧剡中樵響逝離合
詢不常身世矢相棄何處廣陵思殘鐘隔江至

烏石灘

灘行日百憂駭此水底石烏石獨人立門水出奇力一搬修
蛇赴千盤怒馬勒旋渦倒來深陷作飢蛟宅往往月黑時磨
牙伺羈魄長年亦飽經旣至色如墨入險萬夫謀險絕聲轉
寂百丈細於絲性命輕一擲我生抱區區踐此世路窄太行
偶然移銜木竟無益齋心報則殊元天自幽默毋恃呂梁游
風波浩無極

過桃源初上一灘名毛甕子

灘流清可憐阻石形勢變一望江空濛如雨復如霰槎牙數
峯峙中各通一綫石立水亦立飛浪搏人面水中八尺篙水

際百丈漈遙遙相叫呼有若赴急難當其入險時出死力與
戰昔稱倒水巖靈秀桃川冠龍溪碧玉流茂竹紛可玩雖上爲
翠與倒水巖相望而水經注所云沅水東歷三石澗秀若削
成茂竹便娟致可愛玩者也龍溪溪亦經此南注于沅水幽景不我娛徒令飽
憂患何處漁仙巷問鐘起三歎

大風過芝草白榕諸灘

夜雨聲蕭疎晝雨勢稠密山川水雲中凝望渺如一今日灘
稍平得雨翻蕩漪小舟駕長風輕矯故無匹水石自毫縱狂
勝犯倉卒中流一洄漩長年爲股栗豈知十幅帆空際破狂
獮篙櫓未及施州里速傳驛竟以不戰勝此理陰符述貪天
亦何功靜念爽若失行人幸無恙何官破冢山

日暮風更橫

去

橫空與水搏水亦飛怒濤直向柁樓落風水

自相鬥吾命果安託頻盜鏗有聲衣履濕難著低蒲二三葉

一走不可縛綠溪石巉巖未敢著吾脚進止雨無計指顧徒
駭愕天憐我淹滯亦增灘勢惡送以飽帆風使知壯遊樂惜
無萬斛舟橫海截蛟鰐小舫薄於紙豈足試盤錯繫纜餘驚
魂言就荒戍拆一望波連山徒侶何處泊

是夕與僕
人舟相失

鷓鴣灘

遠聞水鳴灘近望雲點墨真如千鷓鴣出沒浪花自立如怒
將飛參如倦且息踏沙去遲遲嬉雨來拍拍散布整復斜羣
居雙或隻一片清瑤流蹴踏成碎碧因之生鷺濤橫空大於
席扁舟簸其間一波更三磔大灘苦浩淼小灘苦偏仄

有大鷺
鷺小鷺

相連

茲鳥又何知矧乃水中石安得并州剪翦此蔽江翼

平珠洞

黔之洞最奇我所游未快羈蹤歲將徂勝踐日斯邁名徵牟

尼珠地納須彌芥欵戶朝煙霏穿穴午曦曬一柱聳琳宮四

隅圍石砦像設因自然跌居城不壞

初大洞有石柱中懸柱上繫劉德像

乳泉薦晨供

籟韻傳夕咽惜無宗雷緣永謝向禽債尋幽利在需鼓勇受

以夫乍窺竊兮深稍進迫且隘冲融冬氣藏閭慘夜分屈擗

策替桃筇呼炬投菅薊層級雲作梯重闢水爲界滑屢仰難

留額冠俯欲呈先行試一童後至挈兩价由竇意未慙自崖

輿寧敗回旋任屢探要害輒交搯憑虛馭神尻歷險破天械

苔衣青可裊草帶碧堪髻硤硤轉元聰沉瀼流素瀨攀磴泥

之詩模糊巨然畫物態信現奇山心轉清瀟窮搜足間較樂

事爪爬疥逝將扶靈扁詎俟擇吉卦潛痛何符冥驚濤忽潮

澎湃馳春奮霆膠膠秋起噫象罔珠自沈支祈鎖誰解

洞中石形如門

者凡三十一人呼爲天門第一門高二尺許第二門僅尺餘制句乃入鏡裏漫遊幸不深至第三門則高及一丈中懸石柱宛如板閣就曰上龍其下水聲如雷云有神物潛焉卽

之深絕無階梯可上
游者皆自原而返矣

凜乎客不從甚矣吾旣憊寢窮去還遲徑提出
翻註典盡懸後期觀止發長喟闕畧經遺桑荒唐史徵稗撫
景繁征魂揣稱資旅話其穹疊岑樓其廣敞官廨狹者封丸
泥低者覆土簣砥平或無頗縫裂或有殺每每錯原田決決
繞溝洫虛中鳴鐘鏞劍上列珪玠清癯僑掘衣縠貂士擐介
陰嵎伏於菟邃室居大蔡晉葵搏而躡郢鷄門已鍛躑躅涉
波豕淋漓渡水牯位置無定姿皴抹亦殊派衛公失品題米
老徒起拜曷爲落鬼區竟使近巒寨旣阻問津懷枉負垂堂
誠浮生小淹泊造物大狡獪屬思窮干形落筆凌百怪如見
天門開天矯玉龍挂

己丑元日同德甫至螺峯圓通寺禮佛用東坡同遊
羅浮道院及栖禪精舍詩韻

白髮又一年風波幸初揭曉齋尼音絕靜玩爐煙細昨夢了
無痕非來亦非逝相攜訪名藍因巒疊雲砌入門向圓蒲悲
涕滴征袂病葉依孤根傷禽護餘羣亦知天地間金石尙同
弊倘乞去一袈裟聊與娛晚歲蓋頭把香茅被體舉芳荔南
中春早融帶雪秀蘭蕙不待桃花紅已覺隔塵世嗟此叢垢
軀佛香爲除解天親與無著豈必皆兄弟再拜叩導師吾駕
何時稅

冒雨行老秧田道中啼猿滿山率爾成咏

一峯十萬樹一樹四五猿一猿千百聲雜以風雨喧一日十
二時一程三十里一軍六千人盡在猿聲裏爾猿有何悲予
啼續母啼爾水斷腸物不關生別離三朝復三暮一鳴更一
躍好似征夫苦翻唱從軍樂

客夜同德甫碧夢重訪魯梅作

古梅如枯僧一蒲伏清衆又如清都仙紛紜翳白鳳脫身兵
燹外孤逸天所縱憶昨吾獨游歲寒盟許共幽娛澹忘言未
敢恣吟諷相思忽經年重來挾二仲匹諸訪古歡有介禮斯
重脫我黃皮袴卽君紫絲鞵入門意翛然何處著儻從撫柯
互盤桓白削粉瓷甃石骨青有棲苔膚碧無縫天根茁永雪
鋤月孰能種疎花僅數點已有幽禽啼想見爛漫時一片白
雲凍詩慚水部何心比廣平未遲遲喚歸鞭愛忍薄寒中空
齋酒忽醒永夕竟何夢

庚寅除夕碧夢和東坡絜字韻詩見示賦此答之

一燈花忽圓雙鬢雪將半誦君守歲詩動我隔觴歎愁隨老
俱至人與世相玩閨楊已頻厄社櫟原自散同臨戎馬場似

遇漁樵伴使令互僮奴招尋雜昏旦苦語口銜碑歡笑頭沒
案驚看桃符新倦聽爆竹亂國門隔朝謁家廟廢薦盟去日
何忽忽歸期反緩緩病驥詎受銜窮魚猶在貫餘生吾就衰
斯志孰起懦成虧任鼓琴輕重付懸炭勞歌有促節將進
定信昨惠越酒醇大勝燕玉暖近連致紹興酒甚佳醉中泣最多試驗枕
非絮

檢家書感懷寄內再次前韻

我家五畝宅水竹居其半就荒今幾年空抱歸與嘆昨開君
素書淚洟不忍玩上言勉加餐下言勤服散懷哉卜刀環老
作春耘伴憶昔入館初息壤傳戒且鮪魚一上竿幾至充食
案可憐篋篋曲力挽中流亂君真我評友何止奉匭盟自從
謫天涯思君帶趨緩况聞懸罄室一錢辭朽貫平生飛揚念

到此坐顛僞今夕復何夕誰憫紅羅炭徒吟北門詩尚守西
河館終期攜手去言就荊簫暖若準二歲刑明日免輸粢子
戊子小除
日抵嶺

東充齋德甫三次前韻

桐音曷以哀其尾焦已半亦如傷心人未語先懷歎三年走
關塞戈甲若服玩引領望休兵春田快牛散逐臣果安求庶
趁歌衢伴譬諸無目者永夜亦思旦錢王我石交旅食每同
案爲民呼號亟累爲母方寸亂題餘事但指口涕淚日忘鹽
深知時命窮反苦歲月緩炯然壯士肝金石尙堪貫此身戰
場餘敢遂懦夫懦柳子說捕蛇白傳紀賣炭感事良區區尙
欲陳史館今時泰階平願布春臺暖書生輒大言一任三軍
粢

寄懷習菴白華耳山四次前韻

昔人貴讀書僅求袁豹半同岑得三友乃有望
洋歎我老學殖荒空對日景玩稿瘁似左徒疎懶
比中散豈能挾鉛槧來與老兵伴自顧本薄植斧斤復旦旦公等大雅材作吏傍香案同聲奏朱弦洋洋曲將亂神聽和且平庸以侑清盟三年吾不見如病失和緩古歡復有幾夷險心一貫苦憶臨歧言誦之激頑懦天涯一寸腸日夜攬冰炭定知柏葉尊時過藤花館子京海有古藤一株勉拂問字人豈特借餘暖兒字永淵也常蒙留白華之間緘詩致綢繆何夕見此粲

永昌得錢辛楣學士書却寄八次前韻

易羅水一勺鯉魚無尺半素書從何來釋我當食歎讀罷置懷袖分作三歲玩學士今儒宗品地壓黃散憶昔春明門蕭

然素心伴著述樵馬班寤歌接伊旦矢之蒼松枝臨以青玉
案敬奉穆如篇每許起爲亂自從歸子舍眷戀難鳴盟頗聞
庭誥勤趨朝戒毋緩去住迹未歧出處道不貫吾衰果何
爲自以憤勵懷杜牧有罪言近已學吞炭空留喻蜀文曷足
付芸館思歸亦良苦尙念挾纊暖君如終惠存勗彼門子粲

來書過誇兒子
秉淵近狀故云

感遇九次前韻

子美吏隱兼長康癡點半今吾定何如自笑還自歎遇事論
短長久欲愧陸玩又愧殷伯道避賢趁行散咄咄坐書空獨
與形影伴已爲斷尾雞何苦強知旦覆鹿試追求盜羊可并
案睡訝歸夢濃無奈啼鴉亂平生一片心不用洗玉照誰令
州閑會雅琴彈暉緩薰蕕強從同涇渭反相貫可憐臣精銷

曷敢諱衰慙微命輕鴻毛日試陰陽炭此身果安歸故園亦
假館壺冰自知寒熨火自知暖孰通繫表言千載望荀祭

乞畫一百二十四韻寄贈王健爲明府

鳳儀

昨開君素書如其翦燈語磊磊見意氣綿綿感心腑斐然情
文兼風格近典午手熏蘅荃蓀步節珩璜瑯恍披光明錦必
出天孫杼所悲生同岑廿載晤言阻自我從軍行幸近花封
古君亦奉符檄橐管趨幕府謂言握手易互作窮塞主懸匏
繫何爲漂萍泊無所合并尙愆期張角逢六五知君意鄭重
不在加餐勞平生抱區區思爲知己吐岷川浪奔雷昔嶺雪
飛暑中隔一千里日夕枉延佇況我飽憂患偶幸脫網罟三
寸舌猶在敢使禍重賈鬱茲塊壘胸五岳莽撐拄今吾竊有
請能事君儻許清門擅丹青幾輩入堂廡兩翁尤絕倫

謂君與
難兄難弟

少

久重懷瓘估昔聞唐退傅屏風競毫楮東坡笠展圖逸韻

播蠻土願學誠太妄匪徒異出處爲君述舊遊歲月駭飛弩

頭顱愧人看腴肉嗟自拊惟餘好奇懷頗豪或有取浣花牋

十樣君畫準此數一圖虎山橋探梅倚柔艣帽簷歷風雪指

點問邨酤

鄧尉探梅
圖第一

一圖雲林寺冷泉澗衣苧畫夢隨輕輿引

入萬松去

雲林館
圖第二

更憶辛巳秋卸帆自孤嶼遂登雁宕山現

惟圖經著天台雄剎東持比乃邾莒宴坐臨靈湫百面震雷

鼓璇扃皆沈沈白氣裊一縷我向諾巨那乞石平似灤入山

雨汗脚快洗碧玉乳癡龍且安眠亦莫敢爾侮此圖重于鼎

君以弱腕舉筆勢挾瀑勢紙外拗餘怒

龍散濯足
圖第三

是皆少賤日

吳越視庭戶水餐就漁磯岩宿寄樵鳴相於結汐社還往足

鴛忝詩多正始音淳悶同規敢一從落人海此樂不我與繡

衣被廟儀瓊粒竊倉鼠抗塵復走俗顧影中自憮維時開西

館著作盛鵠序史鑑評千秋方輿考三輔

子在館承修通鑑輯覽及一統志蓋纂輯直隸省南藝而罷

我實預編輯燒盡如椽炬

修五閣第四

其年

帝秋猶清蹕忝陪

扈于田馬蕭蕭在園鹿麋麋對仗揮制草動色依飛伍

塞垣詩爭國第

五校書天祿劉賦射華林庾二事試入畫差足洗寒竈噫嘻

遇何常升沈難逆視芳蘭曷爲鋤叢桂奚以斧獻玉詎招刑

投珠胡見拒得馬焉足憑亡羊寧尙補一跌六七年荷戈走

邊圍敢辭辱泥塗聊比越草莽車乍離燕短櫂旋過楚曉

臨弄珠臯暮托捐佩浦驟間隣船笛嘹唳出汀梢湖天月忽

落楓林颯寒雨衝烟哀狖鳴跋水瘦蛟舞未出玉門關已使

感羈旅何如青衫人送客江之滸

夜船聞笛圖第六

泊入征南軍王事

念靡鹽病來全似店食至半疑蠱嗟哉筋力衰魑魅恐難禦

行行大金江毒漲沸如煮助以顛鵲風萬室失保聚我駕獨

木舟簸蕩身偃偻刀箭紛滿眼浮幣碍洲激一輩犯黑來勢

已等騎虎競焉六尺軀輕抵窮蟬羽金江兩渡圖第七生還真偶然仍

逐防秋侶瘴鄉居何陋敦樸擬鄒魯借箸幸多暇雅歌從去

征虜謂大宗伯雲岩先生城南湧珠泉日涉比園墅泉在永昌城外古易羅池也纍纍峴地

穴若可穿以組執云泡易滅穴在玉盤貯庶幾濠上觀藉遣

謫居緒第八蜀孽兩金川僻處越塗禹山名怨則門蠻觸昵則

倚蛩駉誰築籌邊樓而不備桑杜王赫斯有征重臣寄

心膂我亦承賜環星言赴益部昨冬掃一窟檻車繫其父

圖籍無可收安問故鐘簷降人接踵至哀涕被奎隅一刀尺

有尺擊獻自蠻豎其詞劇嘍麗畧不辨儂汝譯者以臆對匪

云實篋篋純牛與露犬件繫在軍簿感此不殺恩願供香一

炷報之雙錦段燭下數摩撫霜華何棱棱冷氣逼脣字十步

五步間鬼物近斯沮誓將兩箇血爲刀旌厥武

韓人獻刀圖第九

君圖

此四者所遭果孰愈荼蓼將同根非辛亦卽苦行年四十九
志已絕華應生還豈不懷海畔有環堵我家非素封義方秉
遺矩泉明勤賣子康樂善述祖誓墓右軍文思歸季倫叙東
臯卜丙舍前場後爲圃春及童抱耒秋至婢舂杵白頭好兄
弟佳日速肥黔淵也稍嗜學不競紫囊賭一經授先生津逮
在訓詁毛鄭如可作中流藉砥柱沒齒迺無憾願宏責良鉅
圖成常息壤不死天所予

丙舍授詩圖第十

君畫過王宰我詩慚杜甫

發函定絕倒筆墨代縞紵蒙莊說畫師盤礴動當宁問君一

揮酒呼醉盡幾紙經營極意匠擺脫宣和譜他時眎哲舅難

着顛崖樹

灘石多怪偉近所見則歛空秀削大類吾鄉太湖石
特林立溪岸間不以少見珍耳得詩一首

楚南謂多石斯語殊憤詫灘行始信然怪很亦可怕自過雄
谿路瓏玲見頻咤十里更五里日賞苦無暇戔戔冠劒偉冉
冉笑顰蛇梯雲疊三成夾水垂兩架俯峙如鼎竚仰承若翼
聳古苔繡一片必裂四五罅玉樹灣之東晴江見虹跨

土人呼為仙人橋

低懸半月彎橫鎖兩溪汊千峯雪消時玉龍走其下何殊
藍橋瀑跳盪各雄霸旁有峯數朶未肯出彼勝頗米透縹緲
三品總無價我鄉笠澤湖水石互冲瀉豈渚龍渚問蚺虵誇
入化方此真小巫甲乙非旅亞惜哉落炎荒僅當障水壩浮
泥擺枯蘆野火延老柘棲烟鳥斯巢避雨牛所舍往往放逐
人於此發悲訝我獨賀石遭幸不置臺榭神物本難馴寧堪

入罟獲未聞壺公壺可以籠岱華大小豈殊觀盛衰常代謝
平泉無百年秋風遍耕稼土花何斑斑當日覆歌帕石丈苦
無言輒遭腐儒罵不如好江山蒼蒼閱冬夏五溪況無瘴風
景比杜鰲此中豈少人筆力柳州駕爲石發奇偉光怪斗南
射終當一訪之息壤歸帆卸

大池灘

小池連大池蛟龍有重坎騎虎勢難下快進豈吾膽日落風
蕭蕭四顧墨雲霧濤頭倒如山相戒勿輕撼四舟一心力循
環互牽攬爭此命一絲謬踣聲慘慘我舟最後發忽遇石角
嵯百丈壘急流舟如斷蘆賊一夫出應募懸絙踏兩筓翻身
雪浪中微見一燈閃挾石負而趨一步猶一險前舟見相賀
到岸鼓音統急傾斗酒勞驚定生百感安得百萬夫習流號

勇敢

宿汶川縣作

朝發尤溪驛夕宿汶川縣山城小於斗紛沓市廛變赴羽
林軍顧盼炫乘傳圉人牽馬來一躍走如電回首呵下駟槽
檻差既遍徵求到芻蕘鞭撻及丞掾誠哉好身手我欲觀一
戰憐余館未定踴躍日已晏幸逢查使君以發故人真戀戀殷
勤掃塵榻咄嗟辦厨膳燈前兩白頭絕塞得重見妻孥何足
問身在尙疑幻軍行事一槩欲言自傷賤鬱然壯士肝聞雞
感明旦

有買得古碧玉小印者文曰文雲孫余謂此信國公
舊署名也爲作長歌以詒好古者

正氣迺薄化紫雲夢蘭叶瑞嘉名分燕臺血埋千載碧誰斲

琬琰遺彫文猩紅欲倚古翠剝嫩于苔色圓于質蕭然削字
撲蒼潤令我懷古心拳慙文出白哲美如玉妙年銳意窮皇
墳玉帶生研最奇古應有小印留書芸集英射策炳龜鑑御
筆第一書劉黃天門榜開非肇錫比諸正則稱靈均一從麗
江領戎幕飛書草檄馳千軍押成鳳尾自鈐記懸知血淚縈
朱紋黃冠歸鄉苦未得衣帶銘語空斷斷瞻髮客去碎如意
織綾婢老霑羅裙巾箱舊玩散榛莽時見寶氣騰蜩螗井中
心史亦已出此印足直金盈斤流傳佔客辨眞贗異名小字
疑紛紜君不見六陵雙匣厄羊馬玉瓶銅局隨妖氛區區片
石以人重不與璽角同漂焚段司農笏屬國節今無其物猶
餘芬摩挲三嘆叫朱鳥天龍大矯捐蒼雲

蘇武牧抵圖

白日欲沒黃雲徂海氣直撼盤石間烏頭不白馬角無牧羝
求乳何爲乎咄咄子卿意良瘠湯獲甘之非莖茶手持禿節
六載餘上林雁斷無來書傳聞故園久荒蕪保官老母愁桑
榆爭船觸柱兄弟誅飄零何處求妻孥同來吏士各羈孤相
逢不敢鼓嚨胡丁年匆匆雪髯須兜離竊停難久居人生到
此誰不淪君獨奚爲抱區區陰山八月雪載送朔風如刃摧
肌膚野鼠掘盡百草枯羊飢人飢聲淚俱仰天一慟雲模糊
羈禽離獸爲叫呼隴西將種亦丈夫曹柯之盟豈盡誣哀哉
椎髻穹廬趨草間苟活羣羊如河梁置酒空爾娛刀環餘語
何其愚不有子卿全厥軀將使夷狄輕中都嗚呼自昔保秦
資廟謨四夷爲守言非虛漢家邊患惟匈奴奔狼笑豕兼封
狐犂庭絕幕計已疏和親况復金繒輸譬諸朽索御渥駒安

能俯首馴薪芻嗟彼使者亦何辜雲中區脫經崎嶇驕虜雖
睢更肝肝片言立使肝腦塗宛王懸頭南越屠窮荒難拯寬
魂蘇生綃慘淡誰所摹決背恍惚馳伊吾題詩勿用相嘆呼
君不見麒麟閣上懸新圖

凌祖錫招同諸子集沉香禪院卽席述舊爲長歌

客居近市塵土欺悅逢三伏炎官威手搖紈扇卧冰簟猶似

深甕遭蒸炊板扉剝啄來舊雨雙眼一豁開金篴

時張策
時過訪

西園

公子雅愛客青爰折簡旋招攜拊搗琴尊過蕭寺不用飛蓋
相迫隨幾年不到舊遊地僧羅據座稱傳衣須臾列席向小
閣依然四面松風吹浮瓜沉李破甘碧勅斷葱蒜兼羊豕狂
歌起舞樂復樂半酣話舊生酒悲憶與諸君共盤礴意氣傲
儻誰能羈封侯似可談笑得便思決起排天達十擲輒健豈

關拙一錢不直安足啖就中吳郎晉盛文藻晉醉墨何淋漓
尋芳一曲交唱和井華汲處能歌之自從人事變桑海相
去咫尺同天涯餘生憂患百無用曳尾久已甘塗泥少年綺
語亦做盡鑪香經卷差相宜人生離多會苦少好夢一斷無
由追相逢有酒不盡醉明朝歧路徒相思感余區區呼更酌
不知主客當爲誰起行松陰看月出清影照鬢涼絲絲

憂旱

重光之春苦雨恒三農無麥愁薪蒸五月六月復癘旱火雲
終日峯崢嶸婆娑女嬃自拜舞勃谿鳩婦空飛鳴高田盡成
龜兆圻深溝或作釜氣蒸諸司皇皇休百務郊宮索祭嗟難
憑三吳賦稅稱重地漕船百萬輪神京承平日久患人滿
斗米二百錢有贏春亭作飯不得飽須臾毋死祈西成驕陽

何意更肆虐坐見無路呼癸庚洪範五行昔曾考雨暘休咎
皆有徵我皇御宇重邦本幽風無逸陳丹青屬車今年
指吳會比於先王春省耕賜租賜爵恩屢沛至今閭井猶
歡聲一隅告災詎爲害天地覆載無殊情流民定許監門繪
盛世寧有宏羊烹天心人事一新感佇見甘雨隨風零渙
滇汎汎徧千里共卜高廩多藏杭窮儒此意幾悵望步檐愁
見昏中星

題蕭尺木畫關山行旅圖

有山漸漸水迢迢有車班班馬蕭蕭行人攜持雜負戴十里
五里相周遭蜿蜒或如蟻緣垣翩翩或作鳥赴巢帽影遙看
出復沒郵程那計昏連朝關山突兀入眼底秦城蜀棧窮岧
嶢誰披絹素寫絕景蕭梁王孫能事饒王孫奇跡留采石長

江東逝魂難招斯卷傳是盛年華金碧界盡分秋毫蘭亭本
在特自喜用自語斜行細字親題標十緘購得置小閣日日坐
對形神超男兒墮地射弧矢帷房妻子非吾曹況復時艱苦
謀食那得閑戶歌逍遙年來多病畏行旅生涯落拓棲衡茅
飛禽兩翼雖暫踰終思決起衝風巖叟裾彈鋏詎忍此藥囊
卜肆從所操名山大川徧游覽歸事著述亦足豪因觀妙蹟
發遐想一笑吾豈風中旄

沈衡山進獅圖歌

腥風怒生沙石走日落荒林動雷吼老羆野兕無處逃短後
蠻奴揮赤手佩刀出鞘山爲開白超蹴踏飛塵埃馴習控御
別有道長鞭短箠何有哉疏勒康居萬萬里方物由來載青
史良工粉本何代傳咫尺風雲驅筆底得非鏖戰林邑軍羣

飛尾瓦百獸奔又疑狼山遇神物一聲金精空咆嘯人強獸
強差足常坐使重鉤入官闕嗚呼柔遠古有經不享其贄臣
其恨

聖朝冠帶被海外雕題繫齒胥來庭前年泰西重
譯貢趨朝稽首詞屏營白牛香象誰比數珍怪往往難爲名
至尊儉德豈寶此卻之無以慰厥誠天馬歌應陋漢代
旅葵書直宏周京惜哉衡山身已殞職貢未圖輸立本文采
風流空爾思白頭愁賦丹青引

錢王射潮圖歌

前水後水勢莫當突如萬馬勝軍裝江婁倚笑蛟妾舞作氣
八九吞錢塘天日異人經百戰閉門天子那堪羨錦袍玉帶
歸去來父老椎牛縱高宴樟亭酒罷意氣雄歌詩慷慨驚龍
宮勁弓毒矢屹相向海若股栗迴長風是時臨江萬木亞雪

嶺銀城蔽空下白日欲隨蒼天高大旗不翻聲鼓啞疾雷一聲齊發機修羅刀箭紛而馳金湯永鎮蛟蜃窟真勝十萬熊羆師潮生潮落悲人代壯觀丹青動深慨金券已消陵谷遷鐵幢猶峙江山在今古興亡同一漚江南白雁恨悠悠千載曲江傳弭節梁園枚叔擅風流

繡谷送春歌爲蔣紹初升收作

我來闔閭城春水桃花生蘇臺萬楊柳聽盡流鶯聲江樓十日吹細雨流光堂堂背人去蔣侯跌宕多好懷不惜張筵送芳序華堂沈沈簾幙開蒲萄香滿黃金蟬崇蘭汎午竹交蔭鳴鳩乳燕參差來興酣促坐銀塘曲前歌聲長後歌續清淺蓬萊又一時尊前長願顏如玉

前已即繡谷送春詩九侍講西堂首倡而歸愚繼以諸生與焉今師年八十有七白首健

在頃爲斯集上
盟而佳話也

東風作顛花亂飛白日欲斜客告歸天涯作達且

爲樂回首鄉園櫻筍稀

樂戶行

明末流賊張獻忠入荊州自稱西王時惠邸樂戶有
瓊枝曼僊者以色藝擅名獻忠召以侑酒瓊枝罵賊
不屑賊脅以刃瓊枝罵愈厲曰汝技止此耳吾何畏
羣賊脅之以飼犬而曼僊則極其技能爲獻忠所寵
遂乘間置毒於酒以進獻忠昵之令先飲曼僊色變
不得辭飲之立斃獻忠覺其毒亦殲其屍

獻賊來城門開王早遁官乞哀西王府中晝宴殿侑觴才人
自朱邸獻賊喜瓊枝怒樂戶雖賤非賊伍玉肌白刃雨如雪
一笑相從飛碧血獻賊怒曼仙喜樂戶誠賤堪賊餌賊不
飲令先飲恨不肯來殺諸枕噫吁嘻罵賊賊怒一死輕古有

之雷衝青赬賊賊喜一死遲古有之高漸離堂堂兩樂工十
載耀青史不謂江陵城更有弱女子

宿南堤河卽事

白沙碧波抱幽渚天與征人養病處

時予病初差故行過後

緣坡障以老楓

樹萬馬中宵自西去無燭無月微有星秋深露濃隔帳零溪
禽不知有客宿時傍巾屨行伶俚坐久漸復見諸景對岸雲
林致幽迴葦華無風忽動搖知是賣鹽夜歸艇

夷人多持鹽來出售

鹽管炎颶
瘴雨十日淹一夕清境清如恬且支水枕百憂外萬一夢到
江之南

猛拱土司進四象詩

王師征緬次猛拱誼告諸夷爾毋恐誅無赦者篡逆種

緬逆種

獲諸夷本以爲我得勝其地

爾克其將受

天寵夷官感泣手雙收攜厥配

來錦帕攏琥珀作瑱貫耳孔蠻布花裙名曰桶厥音嚶麗性
愚侗苦言隣寇肆半籠索米求金日苛冗大旱望雲愁啼煉
公今來及秋瓜瓞無數啼嬰飢得漚氓安田廬覩安家欲報
之德乏球珙有馴象四放秋壠兩牙彎環形擁腫願進闕
下誠忤悚重鐻不繫繩五總以肱麾之行接腫弓刀如山屹
不動日跪則跪立則竦賜以漂沐江濤洶警與降臣勉護率
伏流不見背峰聳一躍風雷四蹄湧步伐儼然承誠董非鞭
箠之駕無羣九閩仙仗環陛拱列象巍義寶瓶捧諸邦任
土歲有奉四象寧增玉堦重鑒爾效順志願勇封章上聞
不汝垂錫以佩璫刀琫琕過望之喜逾得隴聖清醲化
極鴻濛元甲瑯戈草包鞶朱波彈丸甕中蠓厥考益兵始作
脩子弗幹蠱轉詢詢默之不如頑且懵縛以尺組毋以葶藶

里頭顧象肩擁象也聞之起而顧

和雲巖先生雨後書懷見示之作即次原韻

唾壺談麈被阿錫幕府清嚴亞夫壁偶盤駸馬挽雕弓一手
能生雙霹靂軍中好整復好暇不覺流光箭同激瘴鄉入夏
每愁霖天漏沈沈幾重冪今年旣雨晴更佳露井風檐氣清
寂虛憇倚幌見螢流暗牖藏燈任蛾覓依然人在受降城一
曲梅花聽吹笛先生籌筆向戌夜對景無端予心賊昨聞京
圻頗顛旱壁牲禮徧山川滌麥秋已過黍方華蠶飯殘年須
飽喫北門吾尚不憂貧王事知公甘我適防秋正調八關兵
屈指師期火朝覲尊前偶乏刺聞書閑數銅籤傍階滴南樓
涼月興何如尚嘯一聲曾却敵

放言一篇再登前韻呈雲巖先生

蟻封何物膺九錫，螭角有時破十壁。浮盃水欲傲滄溟，敗鼓
音思掩霹靂。土龍行雨鞭安施，木雁凌風機所激。羣游擾攘
蝨在禪，宴處啁啾燕依羃。鏡懸暗室混妍媸，鐘設聲鄉泚誼。
寂醉裏驚蛇影，易留夢中藏鹿蹤。瓦邪苟未必盡勝梁幾，
竹何曾替中筍。早聞并雀走珠丸，頻訝割雞揮玉戚。鶴頸雖
長，豈用裁驚毛自潔。寧煩滌丹霞曳佩手，誰縫白石療飢煮。
孰喫絲繯蠶老究，何爲紙破蠅飛亦焉適。肺肝吳越詎相知，
睂睫邱山莫予覲。不求道術証九還，不向禪宗分一滴。放筆
聊成天問篇，知公轉語鋒無敵。

充齋以和章束示四疊前韻

吟筒入手百朋錫，快似旗亭爭畫壁。賞花在昔笑徘徊，擊鉢
吾今窮霹靂。公然樓伐勢不支，猝爾窮迫變反激。枯腸隱隱

轉車輪駭汗徐徐拭巾幕是時殘蠟對飄搖此地酸醬伴岑
寂思當將斷逕忽通句到初圓力難覓遂令疏越清廟絃却
儼蕭寥釣船笛年來蹤跡判升沈老去情懷共欣戚鄉關何
事苦思量兵甲幾時真洗滌余髮種種愁頻搔臣口期期恨
如喫用蝦蟆口吃
事簡作喫但求飲酒千日醉誰遣春蠶萬里適路雙岐處
我未迴垣一方間人莫覲罪言不緣韓韓發血淚寧爲琵琶
滴小詩角門何足道弄手老拳詎相敵

擬宮怨五疊前韻

芳名憶自苕華錫朶殿春風扇椒壁門前不灑竹枝鹽日日
宮車馳霹靂爲誦周南第一篇說篇脫簪待罪詞偏激君王不
念有齋女入廟曾尸六尊籍紉扇先秋忍棄捐銀壺永夜聽
淒寂可憐庭樹影朦朧夕陽惟有寒雅覓却望昭陽火照簷

有人醉弄寧王笛瓊枝壁月奉宸歡粉確脂田單外戚自搜
盡篋賜衣存零落蛛埃難滌滌閑愛鸚哥解誦經朝朝紅豆
親調喫深知永巷亦君恩敢向倦家怨淪適餘生輸與帳中
人珊珊猶望翻來覲長門買賦少黃金親拂瑤牋注銅滴他
時一鑑倘重陳曾料莫教必輕敵

充齋枉顧復出一章見贈六疊前韻奉酬兼謝其頻
致佳酒

飛將軍號君孰錫一幟翩然馳趙壁我時堅卧若弗聞大似
嬰兒對霹靂平生萬事甘讓人詩句新來沈豪激聲如土鼓
不成摻賢比匏搏豈須罍偶然拈韻佇興成時鳥候蟲共喧
寂無人愛處君獨賞纔放長檣走相覓瘴鄉流宕兩人慣揮
淚非因轅寄笛上冬憶我戰場回庾陞初傳舞千戚蠻邦筐

篋何足陳葑屋瘡痍要親滌逢君把酒語慨慷未藉此官一
生喫一篇臣結春陵行俗吏聞之驚適適文章風義君能兼
寢饋應知古人覲獨慙我與世相遺日向牀頭巧餘滴肺腑
連宵芒角生乘醉衝愁無堅敵

寓齋卽事東述菴七疊前韻

圓跣無蒲手無錫結夏何如僧面壁平生但蓄無絃琴不愛
奇聲傳霹靂官齋清絕清似水一刺不通非有激林颺吹鬚
涼絲絲花霧侵衣陰冪冪檐端雙鵲曉聲乾簾外一鳩午語
寂蒼苔雨後三逕封除却羊求蹤孰覓人到中年感易生酒
壚豈爲隣家笛故園昨寄萬里書情話依然共親戚青衫只
道淚痕多戰血那知今未滌多謝加餐勸我勤惠州飯許東
坡喫華胥閑說勝釣天假道應從醉鄉適九衢處處有堯樽

酒德誰能使民覯

莊子民可使覯
德不可使覯

比來曹事都不知挂頰西山秋

欲滴相將料理苦吟身縛袴橫刀再臨敵

寄博晰齋八疊前韻

英蕩函從香案錫誰遣衝炎走銅壁瘴雲如墨雨如漿夜夜

馬蹄生霹靂歸來遇我騰衝城却怪北山詩太激人將白髮

自蕭散雨過黃梅轉蒙累不辭著屐來取別書借一紙供破

寂

予在騰越留暇自然上
同韻行險我書數十冊

去歲征南幕府開參軍在座君能覓玉門

生人事如夢軟腳筵開門箏笛聽到陽關第四聲年少何戡

也悽戚

斷續有歌者朱卷
于永昌應見之近已病歸矣

天涯去住總難料未許征衣塵

土滌杜陵依舊客諸侯對酒真憐不能喫

杜詩對酒
不能喫

君今且看

點蒼山試茗分香興清適畫欄桂樹又秋風花下何人展嘉

覲玲瓏休唱樂天詩樹淚還愁替人滴借問維摩病若何定

知談笑熊羆敵

嘶雲薄
病起

同年朱子頴太守遠訪軍中行帳話舊有感作

陣雲頽空溪水吼
礮火橫飛大于斗
白頭自甘枕戈甲
寧料此間握君手
憶君召對在御苑
詢及先臣
雲頽久奉

詔作畫羣公驚盤礴
一揮筆如帚聞君
昨歲游峨嵋伏虎
岩前掉臂走佛燈
懸處照無寐欲借
禪床穴雙肘君今
蹤跡更奇絕閑作
寓公謝官守夕烽
連山箭滿眼君不
來觀亦无咎君言
壯志雖漸衰未肯
帷車學新婦蜀中
邊患我頗悉如掣
鯨鯢歸散笏十年
養癰不一決僉扁
之工亦何有軍興
百事如蝟毛又苦
咄嗟思辦取可憐
轉粟十萬夫盡是
春田把鋤耦臣甫
北征憤最切臣結
春陵意偏厚南臺
寺名病起匹馬行
不獨軍容觀細柳
借籌應作李左車
劇孟何堪掛君口
相逢

剪燭話未已却恨郛簡難致酒與君論交在夙昔風節相期頗不苟戰場兩處所見同瘴海三年得生偶軍旅之事雖未學出入兵間得八九惟聖有訓戰必慎行兵所戒勝毋徂叅軍長揖敢自傲萬感橫胸鬱堆阜夜來偏師肆賊壘裹血人歸認誰某終生長纓今在否上陣何時縛小醜擅盧風雪對嘆息錯比剡谿來訪友

十二月十三日斑斕山紀事

連峯若環斷若玦羊腸一絲天際豁賊硯屹然不可拔如猱之狂鼠之黠一軍拒左遏賊衝及山之半布成列一軍右上鹽其腦腑瞰碣樓蟻在垤朔風獵獵翻大旗指點元戎中秉鉞是時窮冬天苦寒堅冰欲鼓山石裂萬人裹甲如裹鐵蹀不成聲喉捲舌豈知挾纜在一言始信拊循勝鞭撻錦袍似

雨烟似墨一卒飛騰刀滾雪上砌無梯下無穴以肉門石怒
衝髮何來援賊氣甚驚短兵一接魂魄奪殺人無聲亦無形
人在陣雲自出沒生擒一賊挾兩頭歸謁和門略陳說生囚
死骸互拴縛一片模糊刃餘血啖汝小醜恃在險問天此險
爲誰設負嵎之獸且莫攫游釜之魚寧久活詰朝再戰竊有
請若徇三軍須此卒

秋日過水竹居

松竹日蕭瑟重來徑不分林霏寒作雨池水靜生雲地下悲
知已天涯惜離羣臨風清淚近落葉暮紛紛

宋玉宅

哀怨靈均弟風流子美師江山留舊宅雲雨托微辭過楚吾
何適經秋客更悲蘭成今白髮腸斷結茅期

春感

江樓一望草芊芊，寒食東風欲禁烟。
柳外誰家閒試馬，花前有客倦聞鶉。
春愁似水當三月，好夢如雲已十年。
贏得髭絲今漸改，生涯禪榻自蕭然。

送德甫入都

幾載昌亭載酒從，過江才地孰齊蹤。
凌雲新賦推司馬，對日雄談屬士龍。
斜月宮花迴夕佩，輕烟禁柳逐晨鐘。
金臺舊侶知無恙，爲道菰鱸興轉濃。

酬王德甫見贈次韻

廿年香火感深盟，萬里猶爲並轡行。
尙憶牽衣同拜母，真從戴笠早稱兄。
驚看蹤跡如逃劫，忽對詩篇似隔生。
爲話故園心轉壯，要令絕域遍春耕。

渡漳水同德甫

風煙極目浩縱橫晚渡牽船客共爭
流急勢先吞滌衛地雄
氣尚帶幽并一宵候館知安託
十月與梁苦未成
僅奪其半云須十一月始成
每到卽須動遙感清寧爽宅負平生

泊襄陽同德甫

岸樹川花望不分煙波如畫碧紛紛
渡江帆帶樊城雨倚堞
樓台峴首雲漢上題思追勝事襄陽傳
欲續遺聞魚梁洲畔
饒雞黍衡宇他時好共君

自漢水放舟南下卽事二首

襖被同登漢上槎六年不聽櫓鳴鴉
容身已喜如居室入夢
渾疑是到家斜日趁墟宵喚酒輕烟壓
水午鳴茶南遷我久
忘官樣慙見船頭候吏譚

碧波翠嶽一程程細雨斜風撲面迎沙步閑容村特卧烟帆
低傍渚禽行潤留視墨吟初罷寒勒籌香夢未成忽憶吳中
十年事夜船燈火接銀箏

夜渡毛口河趨阿都田作

夜航無槳趁懸纜一縷溪烟漾水澄村曲尚聞鬧市拆峯坳
先見驛樓燈背晴平野星光散候暖空山石氣蒸料得天涯
掩閨者夢魂隨我度峻嶒

宿亦資孔驛

過此即
壁南境

踏盡黔山碧萬層荒廬還作借單僧生花燭短渾無餽刺水
衾寒忽有棲永夜夢多情惆恍殘年詩少意嘗騰偶然折得
苔枝在伴我吟憊瘦不勝

次猛拱卽事

江煙江雨捲雙旂蠻塞居然沈小休林下偶逢歸塞馬

軍中失馬者在

往於林間中得之

行間爭飽倚師牛

讀魏頭目迎獻必以牛分客營一牛可食五十人

草花泣霧猶含瘴

木葉衝廳更耐秋忽憶故園近重九菊鈴初綻酒新篘

入虎踞關

近關僕馬盡歡聲戶杼場膏寫太平賣劍便思爲佃客棄繻

何用識書生誰封抔土無留謁

近關新築壘云昔被年出征將士也

永塞九泥有駐

旌

關爲老官屯時遷往來要路方駐兵設將於此

慙謝候人迎問疾緣江多少裹創兵

荷葉

幾日田田碧一窪空亭倚遍石欄斜池塘人靜影臨水風露

曉涼香勝花未許衝波依舫屋最宜聽雨隔窻紗分明敲酒

曾遊處兩板紅橋綠半遮

荷

一重門掩一重簾
遲草塔莎一色添
軟碧圓時裯可藉
薦紅碎處屐同黏
端居盡目芳塵斷
逆旅先秋舊雨淹
逋客新來行迹絕
翠痕不掃倍纖纖

茶烟

庭院沈沈午悄然
風爐帖妥屋西偏
更無人影惟簾影
纔和香煙又藥煙
偶著瓶花縈未定
忽吹鬢髮暈初圓
心知不自勞薪出
絕愛低回病榻邊

禽語

芳林入夏碧如雲
格磔鈎輈總不分
醉倚短筇閑獨聽
夢迴單枕遠初聞
偶然斷續隨朝雨
幾處高低度夕暉
知我機心忘已盡
一枝借得雨欣欣

遷寓

白頭瘴海已三年傳舍無端竟五遷真遣卜居依鶴觀

寓對白鶴觀怡

金東坡惠州
故事故云

差欣汲飲近龍泉

寓在龍泉內去
湧珠泉數十里

稍茅屋老秋風勁得樹

庭空午日圓衰病不堪重借箸枕戈時復枕書眠

復遷居舊寓感懷四首

一雨新苔上戟門重來蕭寂似山邨磨牛踏處依陳迹巢燕
栖時掃舊痕悵喜南樓聞躡屐忍忘東閣對開尊秋風起後
庭花盡惟有親栽菊尙存

防秋羽檄自紛紛挂煩看山到夕暉拂策已知居莫定迴車
誰料路還分季鷹漫決歸吳計司馬空傳難蜀文尙擬短衣
從夜獵瀟陵爭識故將軍

羅雀門庭刺孰通一樽孤酌雨聲中心依短燭灰將盡身對
殘碁劫未終獨向風鷗悲逗鵲偶從泥雪認羈鴻單衾無限

春明夢夜夜常隨馬首東

斗大山城殷鼓笳中宵人倚步欄斜敢因去國忘傾軫不爲

懷鄉計及瓜幕府正聞籌筆數征途深愧贈鞭餘

時巴剌頗茲外將隨副將軍赴

邊戍殘書襖被安排了自對寒燈拭劒花

辱陵呂侯祠

地控荆湘此最雄英名猶在霸圖空生能開卷分陰業死得
封侯尺土功竟遣白衣來北岸渾忘赤壁縱東風曲江遙接
蟪蛄水鳴咽還應怨阿蒙

澧州道中寄程荆南衡州

澧水東流下洞庭蒸湘亦抱合江亭如何遠浦捐芳佩不共
佳人醉渌醑難後夢魂頻錯迷病餘書問費丁寧篷牕獨聽
蕭蕭雨官燭無花也淚零

行帳病中補山同年枉顧夜話有詩見示次韻酬之
身似殘弓不上檠黃楊暮節鷓鴣初程尊前語咽胸埋壘帳外
人歸血洗兵病枕自營求艾計戰場頻作騎鞭行時顧外郎離國太守王表聞後
關笑談忽聽穿林礮驚閃秋燈一穗橫行提正我第一里許賊人殺去唐從帳上過

夜雨再次前韻索補山和之

昌黎詩裏一燈檠未了江湖聽雨程萬里重爲衝瘴客五更
來共臥瘡兵蕭條沙壠邨雞斷颿沓風林陣馬行料得子荆
感秋草軍籌傳處句縱橫

至隴川宿錢充齋觀察寓舍連得王述菴比部惠書
並用繁字倡和詩韻賦詩見懷四疊前韻却寄兼邀
充齋和之

入關初翦故人檠互誦君書筭驛程身病獨成歧路客語長

半爲夾江兵昨宵聞礮知猶戰虎踞關距老官屯約三百里昨宿此猶聞軍營大礮之聲明日扶輿
悵獨行馬革平生心未已得歸翻苦涕縱橫

樂字韻詩倡於補山予凡五疊頃述菴復郵寄五章
索和督促甚力意在迫我於險無言不備賦此却寄
餘四篇皆卽景成題總不越一夕中事並挑補山和
之

天上彤弓已在樂日方南至客東程時緬甸具奏之樂兵已撤至虎踞關仲宣賦尙
嗟懷土子美詩應快洗兵老去忽驚殘歲改生還准約故人
行昨聞鐵索橋邊路處處梅花馬首橫

聞補山將至詩以迎之

雄劍藏械弩弛樂梅花筵裏一程程揚鞭已歷三千里出萬仞
掛猛虎歷新街老官屯人虎踞關約三千餘里磨盾真過十萬兵話到羈縻祛薄病來書言歸有腹疾

逢楊柳送過行最愁後夜西牕燭未是離筵淚欲橫

和述菴五詩未竟而燭忽灺枕上占此

閃碧燭紅怪出檠

用趙常遇
按詩怪事

念念詩債誤嚴程遷延已自廻三

舍悉索猶堪備五兵隔屋荒雞還冷伏緣牀點鼠早微行思
君坐待殘宵月又到梅窻弄影橫

辛卯十月二十日蒙恩復官參佐蜀中軍事感遇

憶忙得詩四首寄京師及故鄉知舊

刺閭書裏

八行馳戎帳來宣感涕滋再入中書嗟我老三

登啟事愧人知

予自從軍入蜀前相國泰和傅公前將軍雲
岩阿公及今將軍溫公前後凡三經補職矣

素心正集蓮花

幕清夢先依藥樹枝對仗哦詩磨盾檄一官前後總

恩

私

身在軍中被

詔溫除官免謁選曹尊

几奉

特旨遷
除前例免謁選

夜春米更

喧囂如月給錢還乞禪孫十載踏迴牛磨跡

予自壬午服官至今年卯恰十年

九

重捕賸鳳巢痕

中書舍人有兼司經局正字者一人于前通除此職近見卿抄已議裁矣則與坡公詩意適相此附也

他時驛背

茅檐底半話金鑾半玉門

借箸頻頻對夜分居然長揖作參軍橫戈雜虜忘蒙澤調鼎

元臣念策勲未遺邊城休宿甲猶聞閭井望春耘近從父老

聽明詔揮涕爭傳

肝食勁

近屢降明詔諭以陞念戎行不得已用兵之故讀者無不感奮泣下

獨上高城攬夕暉霞旌霜戟自成圍長纓肯讓終生請神筆

思憑萬相揮玉壘陣雲初壓帳金江戰血尚沾衣

此南大金江在緬甸境予已詳

隨征屢經度此

誰知矢石林中客已許餘生對紫薇

暮至尤溪

兩崖一綫走陰森班馬凌兢有戒心雪似凍鴉翻絕壁石如飢虎攫空林橫橋入市人聲雜候館懸燈夜色深不用獵庖

煩長吏龍溪茗椀豁愁襟

尤誤一名龍溪產茶最佳

雲巖先生兵抵美諾追陪夜話有感而作次家雲松

韻

茄鼓聲沈劒氣寒依然忝席接衿聲喜心倒極驚三捷歧路
依違愧一官主簿參軍從位置兒童走卒問平安細論兩戰
場中事白髮門生感萬端

永昌寓舍卽事書懷一百韻寄京師及吳中故人

萬里程初屆三年跡乍淹力猶衝瘴癘身已混間閭相愧蓬
梁舉居思卜楚簷坐愁書咄咄卧病夢譙譙蓋蓬風何陋哀
牢地最炎迅喘飛弩駭亂石淬刀銛霧煖紅浮篝煙昏綠繞
神潭搖燕掛蛭擁腫樹藏蛎廢堡牆攢刺荒衢屋覆苦冬禽
雷蟻就夏岫雪蠶蠶林密稀窺景嵐濃屢送隸四時涼燠互

一日雨晴兼泥值軍興久頻聞戍守添傳符荆屬粵馳檄蜀

通野

黔陽新編
作野陽

市價騰芻秣邊儲雜菽糠轉輸連下邑勸勉徧

窮簷路險舟輟絕城畿節鉞嚴材官綫檠戟文士競韜鈴僧
舍除庖漏氓廬借釜鬻授餐真雜沓供帳極叢纖量餉沾卹
釀論銖鬻井鹽寸牋遞重錦尺布抵輕縑照壁松枝炬傾甌
麥顆飡不緣勤撫恤何以免危阨地主誰承乏天涯且屬饜
豬肝人肯累蝸殼我寧嫌頽頽嗟棲幕驚鱗幸脫兼迂疎招
詭厠放浪付姑娑食至疑逢蠱悲來似發疴鄉心彌惆恍旅
話自喁險耆舊吳中盛風華海內霑承家餘研削求友得針
砭干野才偏聚斯文任敢謙知名緣鯉素寄興托貂襜學必
崇純樸言還絕僞諛正聲剛促節法服彼輕穢貞粹原從纓
支璫亦受礪刈蕭蘭郁郁芟稗稻稽稽砥柱淵須障傳薪火

未煇鐘暗柯使應磁熱芥能黏矻矻忘餐寢依依其苦甜閒
園佔躡履閉閣對施慘茗渝明瓷枕香兮斷漆奩靜看春盎
盎閒覺晝厭厭汲古情斯縱探幽意詎廉靈崖青炯娜震澤
碧瀉滌大小尋雙渚東西訪二崦軟輿穿曉竹短屐繫秋蘿
蘿盤連波出菰筐帶露鉤厨珍多水族饌法半湯燭跌宕燈
重翦勾留鼓再敲翻梧容汚袖捧硯試題籀辯逞雕龍口談
掀礫蜩鬚世人應共嫉吾道豈終潛梧蔭初停鳳竿修遂上
鮎田閒允釋屨日下各乘轡鎖閤鏘垂珮玳瑁漏籤丹泥
封尚濕紫穎削頻尖周雅歌羞馬秦風咏載獫狁秋陪扈
蹕趁曉許提漿斷澗圍絳鹿平原還突臧衙颺鴛落殼赴響
維投簾列帷榮頰背歸裝詫積臙班仍趨鵲鷺歲忽換烏蟾
勝侶多多善清游處處炊銷寒移密室追暑就長欄唐寺評

花捲燕臺問酒帘壯懷從舊落素抱忍掩衿聚鐵翻成錯銘
金竟失鉗戎行承譴薄參佐藉謀僉尤悔人難寡疵瑕俗競
擗由來稱俊達所往被汙濁放逐愁形槁譏諷痛骨鏹書勝
梁苑獄章飲朔方鉗辱及中山腹哀深大史聞索琴詞效欬
憶鶴淚瀼瀼廢藥予猶幸栖遲趣轉恬茲行殊汗漫回想尙
秣瞻遷客如蜚塵同同心比鰈鵲三楹幾賃屋一桁旋鈞簾
垣矮峯爲障階虛水出濂當闕無小鵲支榻有枯龜病久知
宵永眠遲愛日遲樹蔭惟上黨芳朮少於晉從前意粥僅能糝
芹菹僕解醺勤常調葯餌懶更烹羹熾浩滑宜高履梅橫碍
側幫偶然行得得聊爾喜沾沾獨有孤衷鬱終期醺類穢第
音晨自聽星象夜頻規推轂元臣出揚旌屬國膽先聲驅輿
輦宏願靖黎黔盪決去不綽飄揚貝胃絞溟濤沈斷梗崑嶷

燎荒發寶井亡殘募金樓失破闕夷帖啼僂僂繫組狀皆錄
蛇豕棲威掃梯航化澤漸風驟歸境輓霜銛冶耕鑿抱牘等
空借磨崖筆試拈腐僞搔白髮幾欲訊筵占

楊枝十二韻

本是鈞魂種年年綰別離一株當二月萬縷復千絲栽處應
天上攀來每路歧未歸陶令宅頻夢謝家池態倚疎簾勝陰
籠曲檻宜濃疑掃眉黛弱欲門腰支著雨憐初起臨風愛小
垂金城悲此地玉殿憶當時細馬看還繫流鶯聽乍移尊前
人不見箇裏客相思我往成搖落誰來屬護持香山戀樊素
只爲是楊枝

副將軍阿公振旅回永昌時屆歲除官齋尊酒追溯
用兵顛末述事抒情輒成聯句八十韻亦勞者思歌

之義也

詔撤三年戌

升

人依萬里城受降唐節度

德

振旅漢營平尚

藉邊籌遠

升

旋逢歲籥更星霜同暮節

德

烽火息嚴程蓮幕

叨陪侍

升

椒盤快合并紀勲詞磊落

德

感事意迴紫在昔承

恩命

升

之於茲習義征重邀

王母福

德

益歸丈人貞

公初受命

師成行時詣

皇太后請安

資甚

穴窺將窮鼠

升

波翻未剪鯨先

以上叙

聞傾鼎餽

德

繼悼結冠纓各瘁殲于逆

升

消搖散在彭

以上叙

應期誤軍事及將軍府公等編

有制師並錫節木邦異議之事

德

改弦軍政肅

德

扶續士心傾

德

或畧書詩

裕之

升

儲胥竹木羸習勞

德

會運機

德

建武亦開棚分埽騰驕駢

升

之排國積稔杭威真敷絕撤

德

升

念愈軫疲氓勢可乘

升

功偏待秉衡

德

儀容諸將攝

德

號令一軍

以下叙經營赴順德而進則各嚴

德

驚借箸師中協

升

飛符問外行

德

周咨常旁午

德

秘算必先庚

德

升

驚借箸師中協

升

飛符問外行

德

周咨常旁午

德

秘算必先庚

吉日應徐卜

升

凶門詎急爭深燈輪悵情

德

側席費論評薪

恐難移突

升

棋虞易下枰終朝惟仰屋

德

前路遙揚旌萬仞

嚴關峙

時公由銅鑼關前野牛嶺有遺驛而經界由萬仞關渡大金江收撫猛狝以通西路

升

千重駭浪橫疊雲凝

作嶂

德

滌雨積爲阻振策經途速

升

浮查問渡輕幸牽巾櫛

戀甫得使輓與迎

猛狝土司運勇先已逃匿固勢其小妻連率來詣軍門降

勇決空羣醜

升

平安屬

使伴遠期姬旦舄

德

來就亞夫營

時公已進駐新街屬道夷人問道資勇與經尋大軍約期自合

此地

雙江扼

蠻峯江自東來匯于大金江斜對哈以爲東西兩軍會合所經

升

維公隻手撐夾鉄親戮叛

時

川人游明燎段世瑞來往賊寨爲賊殺書其奏誅之

德

插羽亟徵兵削梯高檣矗

升

鎔金巨礮

誰何須然斷鎖

德

絕勝渡浮罌乘舸馳溫嶠

遣伊將軍勒回迎經

升

揚麾

鞏顧榮

謂制府阿統室

東西連玉帳

德

水陸應銅鉦會合歡初沸

升

飛

騰氣已盈非緣欺小敵

德

直與奪先聲姑蔑收空壁

升

餘皇

徒斷浜猿窮斯就縛

德

禽逸乃遭抨

此叙十月十日新街水戰擊賊賊兵獲其舟並獲器械無算頭目劉雅

得諸被創而死

風陣催帆飽

升

霜棱淬劍瑩官屯

德

超浩蕩賊柵列岬

嶸以千級進擊老將屯邊賊寨之事

當輟蟾宜捕

升

藏岬虎莫搜越蛙徒自式

德

衛

鶴那堪令忠藹通神鬼

升

思勤邁父兄有言皆激奮

德

無物

不輸誠瘴癘寒猶熾

升

瘡痍力轉勅鎗烟摧拉雜

德

機石擊

鏗割執銳兼持燧

升

臨衝競挽輜梯危懸碧漢

德

隧曲穴青

坪俘卒聯徽纒

升

逋夷驗刺黥

時舟師生獲十餘賊非有自寨逸出來歸者驗其下體點涅知爲真竊人也

下

游援漸絕

德

中夜課頻偵裹血方酣戰

升

炊骸遂乞盟

老官電

被剛既

久舟師又斷其南來救援賊寨漸破而阿瓦酋長已具貝發降書遣使乞款

卑辭函饒貝

德

吉語應占筮

公赴滇時途中

至誠

遇害者益得廟升六爻皆不動僭武之兆也

時值支淵病

升

羣欽諸葛名

時紹賢抱病綱公來乞降者又誦經之

至誠

乎裸虜

德

大義恰豪英表餉幾全握

升

韜鈴術盡屏盤根衷

獨苦

德

省括計彌精待振虞階舞

升

之徵調傅相羹旋師符

勅諭

德

請令爲娶悻

軍中乃受降

中

納款求陳幣

升

據忱謝宰牲

惟呼喧爨爨

甫德

感泣遍柴荆臘後蛩催織

漢中冬候蛩不絕升之

春前嶺

試耕設看消枉矢

甫德

瑞定表華萃遠譯風諧律

時緒句百使將至故云升之新

郊雪散霏

漢中少雪而連朝四山積霏彌望兵後豐年於茲可卜

朝

天歸上輔

甫德

計日近元正

經學子嘉年十九日起程赴

班管停磨盾

升

珣弓罷繫檠薦辛挑細菜

甫德

透甲

劈香橙泥飲蛆浮瓮

升

徵歌雁語箏燕私蒙款款

甫德

鴻論劇

觥觥烏本期頭白

升

魚還念尾頰伸宜仍逆旅

甫德

元叔剩餘

生夢寐嗟相對

升

然疑忍共明追思從袴褶

甫德

誓欲掃欃槍

匪尚犁庭績

升

終酬攬轡情居恒時若厲

甫德

履險道能亨偉

節強哉矯

升

嘉謨展也成畫圖垂紫閣

甫德

望溢丹瀛猷壯

推方叔

升

知深荷晏嬰願從元白後

甫德

驃樂載同賡

新句即古原國唐章

舉爲節度時進其樂部元稹之白樂天皆有詩紀事升之

湖海詩傳卷二十六

湖海詩傳卷二十七

青浦王 剡德甫輯

張熙純

字榮時號少華上海人乾隆二十七年舉人三十年

召試 賜內閣中書有華海堂集

蒲褐山房詩話榮時英姿壯氣與升之同學齊名而胸襟軒爽照人若雪兩人成名後臭味稍異差池策時中年歿於京邸水陸江山兵燹之奇故所作未免稍遜一籌五言如人家藏遠樹漁火入寒流澄澗分岩壑虛亭受月明洗鉢承花雨細繩和海潮竹陰連別院花雨靜涼寫香臺孤嶺發蒼巖一盤飛七言如邱中久已驕龍性體上何須赴鶴書連江暮雨孤帆卸萬樹秋聲一雁飛笛弄風細催三弄酒座香醪試一浮疎雨一橫山店酒春風催馬歷花詩就陪翁分一瓣酒同坡老關三葉說牙曲罷千花淚書歸月迴一水香亦數十年來吾鄉擢舉饒紹之士所當膺矣

古怨詩

合如金在冶火如箭去弦東風一以逝桃李爲誰妍歷中干里駿奮起忽長嘶馬嘶驚妾淚問君何所之出門向西笑入

門獨悲嘯男兒喜快遊室家焉得保見君空復情送君空復
情啼鵲如有意繞樹徘徊鳴裁羅思作裳不信反成裘汲井
爇清漣到底不能流君恩如曉漏夢闌聲漸歇妾恨如宵燭
淚乾心尚熱漏亦有時續燭亦還復燃君心如可轉白日俟
再中

戰城南

戰城南戰益力一當匈奴死不惜爲我謂敵爾安得驕振臂
一長呼陣雲中決如崩濤馬騰疾雷刃飛急雪長圍若連山
獨騎焉得拔壯士舞不聞金但聞鼓刺劍入喉僵不倒董古切
生願封侯封侯安可得死爲鬼雄鬼雄當廟食焉能效主將
疾馳入堅壁

君馬黃

君馬黃臣馬白金爲羈玉爲勒人馬一心出塞北君登燕然
氣如虎若驚風雲澄朔人四臨寒陰照我影野空秋草腓雪
沒馬背不得馳人馬更相顧錯莫無晶輝汝雖驍騰奈汝飢
托非其所累汝爲太行水云險平地卒發機顛踣窮野我焉
悲嗟哉汝馬忍死草間活千金無人市汝骨

飲馬長城窟行

飲馬長城窟天寒水生骨從軍萬里取封侯何言卻作長城
卒城頭鼓鼙聲城下鳴雕弓健兒騎馬如騎龍飛鴻何翩翩
翩翩入雲漢健兒塞下泣少婦閨中歎長安十萬戶秋來何
地無砧杵白月蒼茫來照之聲聲似言築城苦作書附飛鴻
慎莫輕擲長官怒長官怒汝汝不得訴嗟汝力盡孰知撫安
得飛身化作長城土化作長城土長城屹然起健兒不死歸

問鄉里

落木庵

數里入雲松招提依絕壁青林被微霜落葉斷行蹟停策叩
禪扉翠陰拂巾幘幽花綴晚紅芳沼湛深碧仙梵靜蓮龕佛
香散瑤席捲幔睇遙山連峰漾秋色澗空萬象澄地迴諸天
寂勝遊方羨今孤蹟猶緬昔曾聞開士居舊是遺民宅遙知
蜚遁情詎爲烟霞癖水石留餘清風流想高格疎磬鳴上方
烟壑澹將夕枯禪縛未能悵望冥飛翼

寒山別館對雨同來殷作

際曉元蟬吟涼雲蔭喬木玉琴泛商聲寥寥感幽獨故人軫
離居暇目惠高躅烟蘿結清歡嵐影散遐矚飛雨忽來過筠
翠蕩新沐稍迷雲外峰復亂林中瀑頗滌塵慮煩焉念流景

連嘉藻時見遺瑤尊更相屬松陰澹欲照殘鐘度空谷

剡溪用康樂赤石泛海韻

楊舩溯翠微寒蟬吟未歇崖窮澗道開煙深林影沒哀淙漱
雲根明澗鑑秋髮沙嶼恣沿洄溪山自映發嶺表送斜暉巖
端吐纖月時聞石澗喧遙見樵蹤越芳樽還共持高詠詎能
闕遠情寄空濛乘運任淹忽眷茲曠世懷雲蹤繼前伐

踰金地嶺渡幽溪至高明寺

金地逾百盤褰裳及初旭細路緣秋毫層巔造雲族淺溜汨
近踵游氛見遠目鈴鐸忽清揚泠泠出深谷方從木杪行焉
辨巖下屋參差楓樹林一折入山腹遙疑磴道窮屢訝巖勢
複怪石生角牙暗泉韻琴筑短笏亘僊源名藍藏澗曲入寺
怖鴛翻倚樹馴猿伏霜柯雜青紅煙壑淨蒼綠茵閣而飛崖

山厨抱叢竹宵澄林響交梵靜秋襟肅唱彼塵鞅勞眷此懸燈宿

瓊臺

玉霄峰下森天仗瓊臺高削擎僊掌一線丹梯不可攀危崖直下三千丈我從越嶠訪靈奇秀甲寰中心獨賞青笠紅衫試一登天風縹緲凌虛上層巔積翠鬱蒼寒石骨峻嶒無寸壤列障紛看玉筍圍天中獨有金盤仰下臨絕漠浸山根天影倒垂雲氣濕波沈蒼壁鎖蛟螭日冷青蘿淒魍魎峭壁中開更杳冥玲瓏雙闕凌蒼莽急湍出峽走雷霆迸落千巖散靈響化工狡獪渺難名頃刻晦明移萬象嶺表初逢陽景回林端復見陰霞晃洵知絕境接清都時有僊靈此還往夜靜龍吟大壑寒秋高鶴唳瑤壇爽化人彷彿計追尋瀨氣橫空

絕塵想冲舉還期羽翼生采真擬待琅玕長撫松吟嘯澹忘
歸夕照銜山增悵惘回首雲關白月來神霄一片金波朗

石梁瀑布

龍門突兀風雷作洶洶崩清天半落水簾萬丈捲晴霄轉轂
盤渦殷大壑青鏡玉峽高入雲飛梁橫亘中穹若疊嶂還疑
神斧開半規更類天弧拓紆迴三折透砢砢偃側重關豁齟齬
遠從華頂沛僊源地肺玲瓏互穿絡萬派爭趨赴一門摩
崖闕險誰能縛奔騰突騎鼓隴胡誼扣奇兵振鐔鐸捫蘿穿
竹俯蒼冥亭午迷濛日色薄破空炯炯劃琉璃濺壁霏霏散
纓絡瀉入寒潭勢轉雄衝颺捲沫還相搏聞道靈湫深莫窺
中多神物蟠蛟鰐緣溪一縷水烟生往往浮金耀鱗角天際
常飄法雨迴林端自有慈雲幕是時秋盡海風寒殘潦無聲

羣澗澗誰從碧落挽銀河元氣淋漓恣盤礴人間真見玉龍
飛杖底深愁坤軸弱雲華亭上撫危闌極目蒼茫興遠託應
真奇蹟闕靈墟終古潮音蕩寥廓比似恒河久閱人芒鞋幾
輩登名嶽夜涼白月照聊趺一片秋聲撼虛閣搖搖神觀不
成眠手攬長虹夢猶驅

題徐昭發畫馬

南州高士如冥鴻偶然畫馬非畫工矯矯卻得雙真龍流雲
飛雪花浮動疾馳下阪長風送紫鬃奚官不敢控春塘水暖
芳草齊方瞳紫微臨清谿跳珠散迸碧玉啼前馬吸流微馥
沫後馬涉波氣咆勃弄影驕嘶縱超忽嗚呼神駿愛者誰在
廐萬鬪非權奇空被錦韉牽珠纈蘭筋蕙腕時遭咤千金不
得增高價縱有健步誰當駕落日蕭條鳴向天蹟雖在野神

則全逸氣不受俗士鞭我欲穿雲踏龍脊安得借汝追風力
山南更訪高士宅

楞嚴壇詩百韻

高明古寺佛隴西桑門安隱臨幽溪苔龕藻井環忍殿象牙
馴伏龍躩踞廣場選佛妙相具諸天森聳形模奇法雲深護
戒壇靜走避魍魎潛委蛇伊昔智者度台嶠定光招手當神
遠東逾金地西銀地林壑遂美卓錫空遂穿霞心割地肺圓
通洞口開仁祠澄神入定拜靈鷲周覽大壯規鴻規聖因應
會萬靈翼檀波歡捨千輪齋化城恍惚落人世法器疑向鷄
園棲就中宣說灌頂戒珠綱高揭開重礎斬新日月照禪窟
寶壑閭世無遷移我聞佛降維衛國成道乃在摩竭提蜂臺
誦經法輪轉明星慧日相昭回祇洹精舍休夏日大苾芻衆

如雲隨伽藍五重各殊狀一一欄檻金銀爲安庠結脚獅子
座玉毫珠火容熙怡螺旋肉髻瑞光湧映蔽世界懸重離閣
雲樓雲互糾縵衣樹鬢樹交芳菲六種震動歎希有爭詣佛
所同衆馳曼陀種種雜瓔珞旋轉上踊成花臺十方徧聞迦
陵語六虛暗觸天琴諧誰從座起徧袒拜阿難小弟蒙佛慈
一朝回向清淨戒頂光聚咒熏心持親因攝受老魔伏密音
觀縷標筌蹄塗場結界軌則備哀祐末世傳堵梯零陵甘松
及薰陸雪山牛糞和成泥白膠青水糝黃土辟除淨域纍崇
基方圓丈六爲八角香爐華鉢紛周闔隨安圓鏡爛如月間
華鋪設光參差應器十六作請供密置蘇合兼乳麝更煎沈
水浴獸炭然令猛熾投銅匱純酥三合蜜半升六時拉雜摧
燒之溫磨氤氲滄鹽室但有香氣無烟霏當陽左右敷寶象

盧舍下至毗俱胝剎心初七閱三七抑揚持咒還思惟鏡交
光處佛摩頂視身頓淨如琉璃乘此咒心證無學場座順風
疾可知自從具文祕龍藏窮子極夜將安歸迦葉初傳正眼
藏四高臺迴嚙能躋道場三會紀周穆化人蹤蹟今猶疑漢
庭皎夢感靈貺乾坤震旦排荒迷王尊重蘭叩西域摩騰飛
策來東匪離分滿字演三獸正趣未踰阿遮黎碧眼胡僧一
隻履始挈心印推宗支一花芬敷生五葉二百年後無禪枝
佛若多羅精戒品十部律誦稱辯才同時上首得羅什臺建
般若宗門開元奘復造結集墟三乘大意明西來遷儀晦影
海田易梵花零落餘劫灰宿耆獨受龍樹鉢楞嚴戒體無磷
緇闕浮百億四日照出世正應靈劫期招蟬簪笏棄如土離
垢遂作人天師密諦總持戒定慧大力蹴踏龍象獅當其登

壇戒三輩典座嚴整諸律儀法鼓琅琅九乳吼清信士女環

層階初說覺支不二法微參念住第一機上者證明斷諸漏

其下方便承三飯或時散花下天女或時獻花來山碁或時

帖耳大空侍或時應手破鼉飛野狐聽講大慚媿老魅聞道

紛漣而正如昏波漸沈墜忽現寶筏尋津涯梵童禪伯各翹

仰歸真願得骨若皮一燈傳照嗣白業紫金鉢千春垂詩

智度論固芽心樹逾小劫無盡特起興闍黎剎創說禪師中苦剔蘚

露角節昌黎句鬱金雞舌重磨治四簷香樹大張拓此壇復見

騰金輝我乘勝緣訪初地忍花靈草羅軒堦旁行細譯貝葉

字側理自揭螭頭神塔鈴語風仙梵放彷彿古德開堂時自

敷坐具邀白足拂拭毳衲談毘尼塵根一切本非有無無無

盡空何依牟尼不染四無礙雖有戒律安所施聲聞辟支由

戒入似調慧馬方拘縶觀心自在忽解脫神通游戲超藩籬
但云持咒習堅忍欲詰究竟差毫釐獨憐下劣落魔境諸愛
流結縛如絲故令初禪息衆妄第一增進當如斯漸從無生
証無滅助因生慧窮希微始知末法大饒益圓滿無上皆自
茲爾來幻師擁高座炷香豎拂同兒嬉有時木強伸一指忽
效獅吼拈雙椎亂華提目迷頂相業雲結影埋珠暈香城陽
燄了不悟高自矯舉愚凡兒其根鈍昧復狂瞽纏縛無量貪
真癡公然召徒受記蒯飯孟香杖相珍貽藥叉羅刹踞蓮界
刹竿岌岌經壇摧安得神王震金杵盡驅素洛投泥犁曰余
多生本乞士記憶宿住還依稀草囊誤落文字海受諸劇苦
心骨悲未知世事可忍否攢眉但覺津梁疲擬逃火宅入定
室誓願高與須彌齊欲同慧可斷肢臂擬仿劉颯燔鬚髭捨

棄重擔塞閭井世臘雖逝猶可追圓明妙性無退失蒙佛憶
念或庶幾惜無師利共提獎醍醐甘露療渴飢繞壇三匝顧
我顏是身斷不爲行屍天悠游永信根在結習未盡爲此詩
千戶尙難圖作佛發言恐受俗士譏回看金粟現微笑白月
炯炯橫禪扉

李鶴峯先生聽雪圖

吳山平遠環如帶泉導雲根獨嶺灑一峯中豁開僊源天半
銀瀧起靈嶺蓬蓬卻怪巖壑裂練影翻騰破寥次奔雷走電
無時休噴作晴空千尺雪玉龍鱗甲何蜿蜒冷光四射交雲
烟磨崖作氣奮一擲餘勢散入千林間初聞琤琮振巖麓復
聽玲瓏間林竹大鳴鐃鐃駭蛟虬細響泠泠亂琴筑白日不
動高雲凝六月凜冽驅炎蒸岩巖入谷變光景對此頓覺心

魂清我聞石鐘之奇在石骨南音函胡北清越那知絕巘落
明瑤水石鏗鉤更清發玉堂倦客天上來星軺暫駐雲關開
陰崖陽谷蕩精氣吐納沆漦生風雷此時暖翠搖晴色巖草
淒淒澗花碧虹梁左折出危亭懸溜跳珠濺飛白悠然臨眺
披素襟恍惚密霰飄青岑非宮非徵激天賞獨領太始揚清
音勝遊回首饒佳興妙手可憐圖一幘清商更乞拂龍脣會
見飛流四山應

升枚桃花溪水圖

我從蔣生游屐喚桃溪渡溪上續紛萬樹桃綠波漾漾流紅
去林光交翠花燭天下上啼鶯勸人住不辭短艇數經過重
是相逢心迹素高齋上目恣譙娛耳目清迴畫不如忽然寫
作三丈圖又疑此景人間無我兄平生雅徹骨邸壑胸中無

病物畫師得此景趣融一水一石精神出魚鳥靜心機琴書
澹相守冰雪爭世榮性命悅蘭臭未知王裴一輩人風流得
似此君否今年糴谷賦餞春僕也磊落知衆賓比聞維摩臥
丈室苦索新句何拳勤萬事過眼同烟雲何如願志且益神
荅詩聊代枚生啓他日花時重問津

萬峰院對月

藉草舒幽賞雙林月皎然平湖環下界偃梵靜諸天松澗滴
清露花蘂含夕烟萬峰巔絕處一宿市前緣

登穹窿山上真觀

三峰高削倚層雲傑觀清霄隔紫雲迢遞丹梯凌倒景飄颻
絳節散靈氛石澗雨暗聞龍氣銅嶺烟消見鶴羣羽化至今
虛想像擬將真訣問茅君

桐柏宮

饒觀平臨日月標華琳拱翠鬱岩峩金庭古洞黃雲護玉陛
高真絳節朝下界風雷鳴絕壑上清鸞鶴降重霄何緣抗手
招仙伯碧月瓊臺奏鳳簫

蔣蟠漪尋春遊藝圖

春衫初製越羅輕芳草晴皋緩轡行山店桃花分馬色溪橋
楊葉試弓聲擊鮮膾切紅絲細命酒觴傳翠液清料得興闌
歸繡谷翳然水木更移情

禮堂祖錫企晉德甫來殷遠書通問賦此卻寄

霜鴻千里達瑤華昔歛重尋自嘆嗟太白蒼寒富曉月孤蓬
愁悴托叢麻生涯竟似迎風鷁逝景真如赴壑蛇見說海波
遙接漢幾時相訪一乘槎

嚴長明

字道甫號東有江寧人乾隆二十七年 名試 賜內

閣中書官至侍讀有歸求草堂集

補蜀山房詩話東有生長秦淮性清韶令六代風華資其芳烈幼與俞鴻漸鮑雅堂章綬堯偕和麗藻流傳表聖所云采采流水蓬蓬遠春者也旋爲夢文子司農所知延與官於雅而運使寓官每移居久益循四方名士論交而與余及惠定宇微君王受銘王事沈厚子雲生共數晨夕於是上探經訓下賸叢書發爲詞章備彰鴻漸系以感賦入中秘書直軍機鳴鞭珥筆時屬 屬車臨蒞荷衣惠帶慨志江湖晉侍讀後遂以病歸會畢君秋帆巡撫西安招在幕府片十有餘年徐端白下復主廬江書院以歿其子觀能讀父著所補江和郡縣志亦爲詳確

宿文木山房待涂長卿附蘅川不至

夕陽度西村烟際數峰暝返景入蒼潭深沈颯餘暎竹露隱
清光松風答佳聽虛室臥脩寥吟牀拂深淨却憶蘇門生張
琴散高詠感此侯中宵孤筇佇蘿逕

泰州西溪懷王述庵

晚雨池上晴披襟豁塵步華月生前溪流雲在高樹水木交
澄鮮烟芳對容與人靜景亦開心清境彌悟卻憶同門友寒
裳共遊寓佳期不可敦芳訊終難遇支頤蓮葉東烟際香微
度

乘月過中峰晤月江上人遂宿白雲庵

山月晚招人冷挂松際屋徘徊光欲低復與上人宿單扉開
南榮小像綴橫幅圓蒲結跏趺靜對石燈綠東風意何爲吹
雨斷而續蕭蕭復蕭蕭一夜在深竹

由光孝朝適青山

夢覺聞清鐘僧寮見天曙理策步松門林光導微路宿露晨
未晞荒烟愴容與高下隨坡陀沙洲信回互前山紛已重環
谿緬非故空聞澗草芳時聽巖泉注幽棕何處尋清梵中峰

度

雅堂欲返南徐書此志別

一雁度淮水天涯今已秋青楓正搖落况君動行舟行舟去
安適東望滄波流秋聲亂江樹海色連沙洲他鄉此爲別一
笑何時酬嗟余寡兄弟同氣惟君求自從閒芳躅半載心幽
悠淮南幸相見桂樹欣攀留寧知歲方晏孤影終難儔舊家
蔡淮水遙對臨江樓臨江夜潮落直到南徐州願君日垂釣
恐有魚書投

古北口以外居民率因山爲田中秋後正直刈穫任
負塞遠延贖所及賦詩志之

塞山皆積石間有戴土區草人物其地厥色黃而虛刀耕復
火種糞以黃與榆時哉僅枯旱風氣能烝濡亦有淫澇候疏

洩多消沮所爲計田功屢祀恒豐腴初聞僅土著十十五五
俱漸乃迄齊晉負戴妻及孥如梯百常地似穀三尺廬子焉
長子孫兼以逃庸租我來值秋穫攬轡爲遲蹠齊民無異術
道在先勤劬一夫旣其力可食八口餘疆槩尙如此况彼沮
澤如舊家東南州厥土惟泥塗其畜宜鳥獸其穀宜稻稌曠
土旣煩衆餘夫良不無胡爲置本計僕僕將車徒于世旣無
補于身竟何需公然效鼠雀日盜官倉儲

賦羅浮蝴蝶蘭

麻姑生齊陽散髮事王遠一朝得仙去譬若蛹脫繭靈裘颺
清風翩忽莫可挽化爲栩栩蝶游戲洞天晚余家近良常羣
真夙所館潛通朱明天幽約時復踐嘉雀質五色皓雀聲百
轉桂蠹金花蟲種種各心縫鳳子尤所珍惜爲列仙遣入夢

偶飛來作伴時苦短耳山行自南方物此其選依持若同功
不忍遽分散密須絳葉黏輕藉游絲卷綴如九子鈴比若兩
角銑貯以越紗籠寘之湘竹簍見乞剛一枚珍重抵玉琬爲
言清夏交溫風緣窓滿定有神娥來妖嫺莫窮眄雨雨條乘
風翔飛冷然善小猶鏡屏張大者陶輪展扇面七華開敞心
九霞翦彼葢葛稚川抱樸寓遙巘莎裳木葉衣相視應有覩
而我貴沈冥顧此情獨懶爾本食霞姿仙都恣游衍偶因文
采彰終被世塵泥唐花飼豈堪蠟樹棲難穩且隨燕蟄冬莫
效蛻逐暖好讓墨蛾飛悠揚向秋阪作貢華林園描摹付班
管

秋過熱河東砂石阪地產黑蠟大者五六寸土人呼爲蠟人
呼爲額爾伯克伊秋中例以百枚進御云如意館中需花粉本也

書宋張舜民撰游師雄墓志後

唐室重辟召從事多豪英溫造佐河陽崔翰居汴京昌黎及

樊川所在尤著名下汜趙宋初沿此尚作程卓哉游夫子夙

秉河岳靈弱冠從橫渠章句非所營農桑學校外尤熟刑與

兵初膺范公忠宣薦繼乃呂大防趙禹并中間韓絳蔡挺劉瑄一

一稱國楨機宜掌文字職守司權衡周知七曜歷洞徹三軍

情岸幘古戰場精神貫長庚一上分疆錄四塞期求貞再上

安邊策三葉幾消萌謂西夏吐蕃鬼章奈彼秉鉞者大半皆書生但知

投鼠忌敢作橫鯨振請看韓范儔廿載相代更坐鎮籌邊樓

雪鬢秋泠泠聞負不聞勝護守不議爭秉常亦黯虜心膽何

曾傾史家例無識所讐徒虛聲其事出大儒焉敢輕譏評往

讀西夏傳太息眞填膺斯誌今始觀適愜心所願願誦百千

遍達此精與誠願書千百本勵彼頑與冥聞公有荒阡僻在

關西垌公在武功西原原垌同行將一再拜親擷溪毛馨兼書第二碑刊置

當元扃高並武功山終古摩天青

秋帆中丞約遊秦中正月望日渡江由浦子口入關
途中雜興

是身如浮雲出岫隨所遇况復平生親招邀見情愔匆匆飾
行裝一一別親故向午至江干雙楫亦已具長老爲余言今
夕易爲渡風送隔林帆雲低過江樹回首國西門蒼茫已如
霧始識身在途船頭獨延佇

暇日去不惜出門程可稽登車無幾日已落淮水西時方霽
春雪回望交流浙淝河既東會渦口仍南躋奔騰狀匪一到
處相防隄憶昔曾渡此兩岸如叮咛余於庚辰七月由鳳陽赴淮安經此今茲易瀾
漫更值落照低人家間浦潏處處烟迷離舟人亟行邁向夕
靡安棲食宿有定候塊彼沙上鷺

中原地將盡氣勢漸不平高低曲折內所見都未經雙輪蝨
其際終日敲復傾益以塵土石擁塞殊不情有時白日開瞥
見成皋橫云此赴伊維不及兩日程側想古今來蠻觸幾戰
爭英雄與豎子各各成其名空令千載下絕倒阮步兵

未到函谷關先聞礮石阻輿夫各矜莊若有大敵禦今朝果
來茲氣象實莽魯山分青萬重天豁白一縷西邊飄秦風東
邊灑晉雨五帥復三臣茫茫去無所况訪南北陵遠作夏周
語平生事通脫到此意慘沮前挽後復推惟恐失銖黍安得
向蒼鷹參軍借雙羽快意在一朝詩成車出土

晴陵

亂山缺左角巖出城樓牙雙旗颺清風蕭瑟不滿筵程途已
牢落况乃雪片加縱空著人面襍以塵與沙行行欲投止土
室不數家居人面黧黑見客如驚鵲此間詎堪宿奈彼前途

賒因思采薇歌罪罪怨行車我今豈無感辛苦將誰誇

潼關遇雪

眼花

夙憶宋金華文采燭宇宙惟視不及尋時作目童詢余時當
盛年神明方在圃內景旣充腴外象盡通透洞垣雖未能觀
理頗不謬一目竟十行半面不重覆脂中摸曹劉空際測廣
袤時笑休復眇每訝仲賓陋

蘇軾題顧景陵集詩
觀此詩視見詩史

豈意閱歲時半百

甫接搆老態如有約一一來幅輳耳輪已樹塞牙關倏開竇
幸茲雙琉璃沈瀟盛未漏誰知復有鬼悄焉夢中妬醒來覓
舊觀種種異狀候喜時淚翻垂暗裏光忽逗遠者徑欲前近
反莫敢就疎迺或褻狎親則轉悖繆守黑苦未能視內反多
咎無計施斧斤易山假詛祝爰教子羽青歷歷與之响曾聞
古人言養虎自貽寇計汝附我身相待亦云厚江山恣偉觀

英髦快遐觀悅汝置圖書迺汝屏篆籀或恐昏汝神中年戒
淳酎或恐搖汝精外室卻艾幼汝惡我卽防汝好我必副似
我作居停庶可誇邂逅緣何中路間如羿卸其殼頓使大光
明一蝕不可救年非卯酉克發其大書占豈大三邊有道或可
原無說頗難容雙瞻顧而謔忽作反唇詰格物子以稱兩端
諒已扣失養則銷亡得養則老壽自我附汝身合契等先後
見子曰一縞若烏哺其殼卷閱三萬餘歲歷五十右精爽已
亡羊樊籬更焉守君看滿月光終古跡若畫所以葆貞明不
照句與讀感茲意良殷甘言姑弗誘人匪形之妍道在德之
茂有光而常賴何異盲與瞽況目于我身如賓筵一豆雖賤
卻非替萬物尙可觀縱瞽亦何尤有用我輒售古詩三百篇
中聲夢曾究有召須瞽矇大樂當入奏外傳二十卷韋注師

所授如欲繼左邱長箋復堪就

金幼時著書第聲盡切疏蒙附錄

形質有成虧神理

自通復語罷視空庭桑榆晚芳秀中有殘陽光斜穿讀書牖

題鈕昭服收村圖

小塘十畝烟水間青村窈窕當其間板橋流水絕行迹菰蘆
深隱何蕭然先生逸才世不數清標令譽殊高竊與酣落筆
美無價會須揚藻翔天垣胡爲幽棲類窮士漁莊蟹舍相沿
緣君言收村有佳趣大湖五瀉當門前曲梁遠隔蝦菜市連
汀近接鳬鷺川烟林一徑入蒙密絲楊隄地花連天三株兩
株屋頭樹十棧五棧溪南田樵兄漁弟便遊逸往來西陌連
東阡此間笑傲樂莫樂武陵何必尋桃源茲圖張示亦何意
俾我昔夢難安便我家舊住淮水曲西溪點綴誇幽妍自從
放蹟入塵世揚州一夢留三年佳山美水坐孤負漸看青鬢

成華顙名國自古難獨樂寒夜况爾宜對眠我常踐子息壤
約子當酬我招隱篇

徐友竹入關同寓節署出所作秋山雨霽長卷索賦
因書長句以贈

君家住近重湖灣放筆卽似湖中山湖中山好畫不盡翦來
一角如輕烟烟中峯巒覆如甌墨氣作雲雲不定浮空積翠
浩冥冥知是昨宵雨初竟雨止不歸壑散作奔川流飛灑百
重樹四山同一秋秋聲蕭蕭雜鳴雁中有人家似堪辨沿緣
騁擊渺無津祇有漁舟自成伴此中可耕亦可漁不然買屋
還讀書閉門卻掃動經月日飲山渌忘飢飬胡爲塵土蔽雙
膝回首鄉關空歷歷蕭條粉墨獨留連浩蕩年光復安及潯
溪山清以真誰其友之荆蠻民具區水寒且泚誰其似之洪

谷子我今題詩非漫與白頭結交定相許他時買權來過從
莫遣空山隔秋雨

由對松山北飛龍翔鳳二嶺登十八盤遇大風雨至

三天門有作

左壁如屏右如障爭長東西不相讓就中一綫露青冥天路
云從此間上昂藏七尺付輿丁曳以長繩挾以纜如蟻旋磨
螻循條頂踵挨排成一行前瞻淡日方平肩後顧狂飈頓扼
吭雲來便作水烟歛雨急還資電雷壯洪鐘萬斛四山撥強
弩干枝一林放盤中倏變海茫茫盤頂空餘天泱泱去此時
黍粒渺單身耳口情神交混漾交思捧土塞天河不使飛流
下千丈更愁山去化方蓬高掌還應巨靈仗陳祈聊解暫時
嘲詎識山靈已陰相分風特爲掃雰雰狂出天門高有閤南天

門在十八盤盡處

同遊彳亍幾人來引手相看幸無恙遙看傑閣上摩

空

開舊在天門內三靈候祠

會借僊翁赤藤杖拄來長嘯倚危闌一覽斜陽

下空曠

唐登封臺在日觀峯西薄暮投宿夜登峯頂觀日出

歸後題詩伏虎門壁

清晨盼天門得上已昏黑古殿閉虛皇神燈黯無色齋心丙

夜目不窺候驚窗紙紅離離空中似聞海波濫耳畔如有天

鷄啼

鷄啼闐然走向幡竿石

鷄啼名

東望立同槽木直不知咸池去

此路幾千但覺海水羣飛入胸臆初時色泚泆有若新磨銅

須臾勢隆起一綫緣長虹咄哉長虹曷由起復止南亘魚頭

北魚尾拂天誰會義和鞭敲折玻璃萬條紫散成朶朶金芙

蓉貼向滄波吹不起少焉風動蓬山根播蕩溟渤如翻盆就

中圃出火一輪計里遠以三千論

據徐整長歷說

左歌南離右飲北戒

大象焉藏太空焉繫何龍燭而明何麟鬪而晦胡棄策而莫

追胡揮戈而遽退安能御六辨指陽門邳繚蓋曳緋帶足踏

紺鴉背飛上榑桑顛遠引木公袂高拍青童肩親從黃道訴

真宰一証古今扣槃捫籥之謠言狂歌未了衝騰起倏見雲來

若鵬徙兩翼飛遮萬里光一時賁育咸披靡東牟道士劉孟

容自言卅載居山中曾經五度見鼉梁皆與此夕神光同道士

言泰山近海長有雲氣望而似此瞻瞻親切三十年中記曾六度而已皆有歲月書東天門壁鼉磯忽報更籌淺觀壯如斯

志應滿歸來奮筆寫龍蛇惟見兩眼金光不停閃

初四日下山祇謁岱廟謹和文子司空乙亥歲殿壁

勒石元領並效其體

太微執斗臨紫宮元精合撰呈卑崇靈威仰光愛所鍾職諸

僭使專厥雄維帝出震開東封垂旒仿佛君雲中日章月采
以丰外表嚴毅中抱虛金與山立壁兩巖蒼麟夾侍播青
鬣先以大角倉精龍眠天察地橫復縱歎海飲漠如長洪莫
原厥始要厥終周三千里境未窮高四千丈廓有容天關上
下開梯衝左日右月驚發矇太清宮碧扉則彤云亭社首衛
若埔玉符琨璫埒附崧配以太華恒衡嵩壘開精氣相通
象若侯甸男衛從扶輿匪特以自豐德之博者功亦隆稽古
顓頊居空峒奉火爲祠金爲宗出彊佐之殛靖其導率元武
行躡躡窮蛇冠珥追厥蹤倚燭龍燭山曰鐘陰火灼冰冰弗
融鳥獸希革草失其維靈順眠憂心忡少皞于召來東蒙唐
臣陸吾若不達明成聖者天所工負甲背虎持六犂陽門倒
挂搏桑弓發鑿大塊噓協風生氣涌出如奔虹吹萬無復天

札因谷氣不痺林不癢時叶光紀心維惻斥乘輿馬兼僕僮
上之帝所瞰鞠訓天庭忽荒神國惻縮身潛喘夔魃同下奔
委羽棲其躬固是六幕交和冲靈迺訴令孚若顛蹙箕舒焚
畢降凍凝膏液若乳酪醺以昌萬彙緩九農奔走唱于復唱
唱 天子時邁嘉迺庸高居板飭金碧重五禮六樂罔不

供奠以若璧妃青琮天酒地汁粦溶溶 奎章下賁光維熊
輝增羣岳麗燭空詎等封禪夸成功七十二代交洵洵滕書
埋玉欺瞽惜豈惟麟鳳來竟慵黍禾芽亦生不叢蹊余八翼
慚蒙瞶茲何意向天門翺挈才自媿成牛螭含辭欲吐道弗
充迴贖驚見貞石鐫重若球貝陳三雍披吟未已淚落胸公
如天柱頽中峯元神陟降應在穹帝晨左右鳴珩璫曷歸乎
東瞻我衷閭東望雲騰隴

蘇文忠公壽讌詩

蘭陵夢裏吟聲絕

夢中吟聲絕

情爽飛空作明月清光下照七

百年令我轉漈哉生前丙子之冬月建丑奎宿垂芒亘天久

降神應會蓋有由磨蝎胡爲命宮守豈知謫墮天所令厄公

遇正成公名三言奏御見忠愛卅載外山空怳營徐黃猶是

中原地更遣流離到荒裔去國難爲譽謗心投荒豈是朝廷

意儻廉九死始一回買田陽羨空徘徊迄今祠宇半天下辨

香致敬知誰哉河間中丞今玉局政事文章兩無匹傳神阿

堵得章侯特補龍眠舊時筆

像有李公麟畫在
自州祠內今已剝落

佛說其應去有二

身思公嗜好如公存芋羹晶飯豈堪飯花豬竹飴須重陳中

山松醪近希有三爵但傾真一酒門牆欲附恨生遲再拜陳

詞公鑒否聞公押衙紫府忙幾時人世來翱翔御風騎氣倘

過此應喜再見秦張黃

存雪亭晏坐有寄

林臥逢秋盡亭舉此暫過天寒聞雁少木落見山多忽憶元
樓者離居思若何西風不可越渺渺洞庭波

山齋琴夕示吳瑞宜

閒堦疎雨過桐葉有清陰掩袂惜微月當窓橫素琴泉流時
近席風細不歸林幽賞知誰是寥寥空外心

輓錢思贊同年

問歲良書闕侵晨惡耗新招魂迷遠道臥病憶兼旬薄宦憐
遲日高情見古人青門乖別處草草記席巾

老覺身爲患貧原俗所輕馳驅銷壯志憂患急餘生元草惡
誰付晨星次已更空留遺墨在藏弄志交情

思贊以書
法名吳下

中秋日同人夜宴西齋有作

長空無翳樹無烟爲惜良辰減宴眠遙夜天分秋一半中庭
人與月俱圓香浮河漢微茫外坐近江花綽約邊他日料應
懷此夕好將嘉會紀尊前

金川凱旋王蘭泉前輩于四月望後三日道出秦中
別後有書見及賦寄四章

誰參神策定維州節鼓西迴暫駐郵岳色橫雲隨候騎河流
噴雪沆征裘發絲涼帶金天雪詞筆清含白帝秋
公于昨聞賦霜天曉角詞一闕
多少枕戈磨盾事臨歧無術問從頭

占象師中擬范韓幾曾盤錯見艱難六軍帳外朝聽策上將
轉邊夕問安心惻國殤同日殉
謂頃之吳鑑南諸君同殉木果木之難
手書露布萬

人看凌烟會見新圖畫誰道書生骨相寒

詔策籌邊第一功 恩光稠疊動昭融 翔鸞音湛三槐露 孔

雀翎翻九棘風 邦典坐愁心鄭重 王綸手捧地尊崇

公入

都後晉焚大興寺卿仍直機庭 臨風莫道台光迴 仰首卿雲卽見公

茂陵秋雨住經霜 消息天邊訊一行 猿鶴餘生依子舍 風雲

神筆付詩章 信知前輩才無敵 可識蒼生望正長 休以故人

歸計得便思華袞 換蓉裳

公來書有欲賦遂初之語

九月望日錢竹初同年來自富平出鳴秋合韻吟卷

示閱漫書

十年悵悵冷鷗盟

丙戌歲與竹初別于都門

何意天涯兩合并 爲我聯牀話

疇昔一枝紅燭雨三更

芝秀蘭芳滿謝庭 拈來字字感湘靈 秋聲一部愁無着 合付

江南宋玉聽

集陸耳山新居聯句

崢嶸歲光闌

嚴長明

局促吟思懈偶傳卜居篇

吳省欽

遂破止酒

戒同人无悔占

曹虎

適我有美邇迹慚陶廬偏

陸熊

塵謝晏

宅隍北市裘粉坊

趙文

西鄰蘊香界枝穩鶯遷巢

吳省

逕僻

鵲守砦門前閭可羅

程芳

庭內淨弗灑井眉鹿轡牽

阮生

策

額鴉叉挂盆松脩而曜

長明

几石貞以介幙標甲乙籤

省

鼎畫

方圓卦膽瓶凍中堅

仁虎

腳鎗炎上炫賜扇珍裁筠

錫

傳書寶

垂蘿僵臥人推袁

文

排入客等噲輟埃漬帽袞

省

餘霞點衣

袂煖屏窺瓏瓊

晉芳

方襜踞緯繼寒避莊噫

生

暖迎趙日曬

謀十榼千鍾

長明

去三揖百拜泊無喪人更

省

把自園官賣中

膳烹小鮮

仁虎

末俸鑿疏脾腹肆溢膏腴

錫

言泉瀉清快超超

妙談元

文

咄咄詫語怪出腑森槎

省

吞胸掃蒂芥支枕吟

堂花

晉芳

秉燭讀壁畫賞心癖嗜痴

生

得意癢爬疥鼓嚴初三

交

長

明律短下九屆撥籠檀炷沈

省

欽打腮榭葉敗眷茲尊蟻乾

虎

慨彼隳駒邁臣飢空解嘲

錫

熊僕病倏起憊身遊雒川

文

僮守子淵誠殘牖封紙

彌

省

蘭薜垣覆泥簣爭耽禿管

綠

芳

顧癡錢債團頭香火盟

生

抵掌水天話覘度山公閒

長

愛才

穎士价莞爾開令顏

省

楚然接芳袂歸馬路雙歧

仁

過雁聲

一派終畧散人銜

錫

言傍參佐扉

文

鄭雲

字晴波號楓人儀徵人乾隆二十七年舉人三十年

名試賜內閣中書官至浙江糧儲道有玉鉤草堂詩

集

和同年施戢如侍御過訪寓齋夜話並送別之作

楚客垂垂老燕臺草草過秋將連日夜鄉夢落關河暖眼逢
人少離憂自古多非君今夕話誰與慰蹉跎

雨中有述

露下涼生大火流三旬水宿感淹留河聲送雨過沙市山翠
橫烟入柁樓遠客懷歸終戀闕美人經別易傷秋紅塵自有
樓閒地誰遣行藏愧白鷗

錢維喬

字竹初武進人乾隆二十七年舉人官鄞縣知縣有竹
初未定稿

自碧霄步至直濟寺

沿溪竟忘遠山氣忽成雨遙望千仞峯身入得淨土虛樓障
雲岫日影未辨午出戶聞潺湲涉足石可數雙崖勢疑合稍

轉遠山吐復坐梵舍深白足偶共語屋頂森萬竹空翠墮眉
宇披襟滿涼簾六月定忘暑啜彼塵中人幽棲境終阻

遊石門觀瀑

夙吟太白詩送理謝公展遠上窮秋巖雙崖忽中闢雲泉噴
天半飄灑萬丈壁仰見銀虹飛到地素影激四山黯欲雨一
綫垂日色坐久寒生衣石氣森淅逼雁山兩龍漱攬勝快乍
歷復此續幽興欲去意屢惜解纜寒灘鳴清響倘未隔

雨夜與夢錫坐話

幾日西窓雨天涯尙許同關河雙淚外骨肉一燈中短髮難
消酒哀音易墮鴻明年見春草好與數飄蓬

殘荷

相逢淺水舊依痕退盡紅妝葉半存到眼已隨霜氣老亂愁

猶帶雨聲喧涼生楚佩空餘影香憶吳船在斷魂我亦無心
任舒卷製衣何處覓秋根

五更渡洛水

翠羽明璫夢未真寒皋空有水粼粼馬頭一片將殘月曾照
黃初作賦人

朱孝純

字子穎漢軍正紅旗人乾隆二十七年舉人官至兩淮
鹽運使有海恩詩鈔

蒲陽山房詩話子穎爲都統龍翰之子承其家學能書尤長于孤松怪石擅逸氣
矜持不常有兩筆餘幅而下長二尺許風吹飄然然之頗自意也作令四川獨游
黃眉經旬乃返後以迴避當量移他省時大兵方討金川子穎單騎赴營觀戰門
久之而去其易流涕泣如此愛友朋凡知名士如姚郎中師傳王太守慕皆所
最契者親爲揚州鹽運使方徵招致大江南北諸賢爲文酒之會而遠以風神解
職雖得請其不可一世之氣勃然動于紙上藝圃謂其豪宕感戴之意屢見於詩
也

題橫幅大松

雲綃誰寫橫江梅回頭已失濠梁雀東綃破裂真餘摧畢宏
韋偃安在哉嶽樓晨起滌冰硯琥珀十笏磨煙煤一株兩株
不容擬四株五株羌能排飢蹇頗疑筋化鳳儼立亦作皮生
飴上者天矯破元氣下枝磔硤交根埋豈惟齊劉視螻蟻撫
摩秦漢如嬰孩人言放筆有奇膽斯意莫作凡情猜前年飛
鞋大義頂落日上踏蒼雲堆偶乞尊師壽耆相坐騎龍象雄
陪總千萬億身得化理乃敢縱墨由靈臺象形泉意兩無着
青天赤手搏風雷驚濤忽忽四壁響片月下照生蒼苔張髯
大笑支方頰我欲言之言難該虛亭坐觀六合妙更請義旨
參如來

送二亭從姪還邠上

處士江干宅蕭條今幾春漁竿見其老菰米雁同貧子亦工
文字妻能其隱淪可能期結社安頓苦吟身

汝南閒守在白髮近何如友義平生重詩名海內孤經時間

臥病隔歲少來書風雨江關外憑君問起居

謝夢
曉生

此別何匆遽當年亦渺茫天心關聚散士氣屬文章願卒名
山業休隨涉世方宣城今老去妻絕髣毛霜

洪椿坪二首

金碧垂空亂夕陽天池雲表望星房無邊雪嶺千層白不盡
霜楓萬樹黃飛鳥與人爭道路啼猿知我憶家鄉煙叢雨霧
迷歸夢那得羈人不斷腸

偃臥冰蓮第幾層精靈入夜此依憑溪聲冷逼松牕雨山氣
昏圍旅舍燈世外浮沉驚幻妄眼中慧悟得頻仍神盂寶掌

匆匆住布地黃金苦未能

羅雨峰爲余寫真

勲名無復上麒麟剩有丹青托故人
萬里來歸逢汝老一官落拓遂吾真
籌邊經野功何補殺粉調鉛技更神
橫掃琳瑯

三百个滿添風露到閒身

橫幅中萬筆修竹絕無他物故云

題江帆風柳圖

睡足青山媚曉姿
煙篷縹緲柳參差
煮魚記坐蜻蜓尾
消受江天飯熟時

望泉圖

楓葉飄紅點石苔
隔林煙靄隱崔嵬
山泉雨歇不知處
吹作白雲天上來

金學詩

字韻絃號二雅吳江人乾隆二十七年舉人官主事有
播琴堂集

月夜同人集青瑤池館分賦

碧沼生夕涼萍香微雨歇簷簷漾纖影微露林端月閒酌娛
清暉披襟坐超忽隱隱遠鐘聲宵分出疎櫺

永濟寺曉起步尋江滸諸蘭若

松顛鮮旭升一鳥鳴晝寂攬衣起前軒凭几展幽靚微風娑
羅香宿靄蔭深碧老僧啓禪扁導我入修陌烟巒秀可餐雲
樹濃欲滴崖峭形從龍徑深路紆窄枯枝嵌簷凹危樓壓山
脊憑高瞰江濤訪古剔苔壁不見六朝人空留三界宅林端
梵音來含悽感陳蹟

登君山望大江作

乍離江上城遂陟烟中嶠野逕希行蹤寒巖斂羣妙探幽著
屐登選勝支筇造半空水氣浮絕頂日光耀林壑謝近窺雲
帆延遠眺扣舷揚吳歌鳴榔發楚櫂三山樹蒼蒼萬里潮浩
浩祠宇凌崔巍亭臺峙巉峭澄觀符風懷寂契舒朗嘯將棲
蒲葦叢散髮狎漁釣

句曲道中望三茅山

野店荒鷄鳴犯曉促征騎初陽呈衆妍平楚豁新霽迢迢三
峰高半空落紫翠杳靄峻林深紆迴修壑媚蟠龍神物潛駕
鵠仙蹤寄隱約五雲中遙天度鸞吹羽帳散金花靈崖啓玉
笥愧非松喬倚弱結烟霞契何當飛步登揮手謝塵累

食江瑤柱

河豚擅吳產江瑤登闕市水族有萬殊我獨取二美鱗魚差

比肩餘者卑卑耳晴窓午夢回忽忽動食指有客餉羹材來
自溟海淡光堪辨綿紋質未脫泥滓雙甲一鱗開肉柱勢隆
起孤莖矗明瑤迴腸纏文綺色味各殊尤對之一笑喜急呼
庖丁前應手劈肌理割腴熊掌同選勝鼈羹似惜哉龐然軀
所得僅有此藏腹異螯珠熬身賴象齒老饕久慕名乍熟口
已哆飽啖兼拾潘未許丐奴子雖爲哺啜徒猶笑肉食鄙回
思赤鯀肝或以毒致死隴蜀不可兼吾寧姑舍是

食鮮荔枝

有美十八孃質秉南方火薄醉暈輕紅化身爲此果平生爲
口腹不惜鼓遠柁屆時乞新苞天公應報可守官例餽貽興
僮紛擔荷週聞黃簾盛旁觀綠葉裏乍見亟開緘入手柔枝
彈紅卸羅織纖纖白映玉瑳瑳當筵薌澤聞此際情無那所惜

幕中居有類樊籠鎖動不踰闕行忙卽掩關坐豈能入園林
按譜窮渺麼傳聞洪塘外朱樹盈道左繁星列焜煌初旭照
姬嫫佳必厚且圓餘多尖而橢酸澁大無當清甘小亦頗適
口非好名耳食寧咄我楓亭宋家香尙望郵致夥

鳳亭距會城三十里出荔枝文

其名宋公香者最甘美

閩山千里程藉以償勞瘁快哉坡翁言日啖三百顆

白鶴嶺望海歌

有力不敢役五丁有斧不敢用巨靈層峰環海作屏障兀立
地柱撐青冥我來欲窮日出處東行笑指扶桑程攀梯拾級
幾千丈石路一線披榛荆書生雖無濟勝具盤迴幸藉筇輿
輕蛙聲閣閣山雨晴飛瀑瀉入寒潭清花香繞衣翠侵屐不
知身在雲中行三層古嶺條到頂上有蘊起縹緲之孤亭險
絕不虞虎豹窟高處徧覺魚龍腥海濤汨汨風泠泠仙人跨

鶴吹鸞笙一笑向我松間迎水晶宮闕琉璃屏奏鈞天樂酌
醪醑大千世界落杯底烏嶼隱現如浮萍艤舫乘流頗自在
此間有路通蓬瀛吁嗟乎吾生萬事勞其形繭絲纏裹不得
寧神仙可學丹可成悔不早侍安期生

周別駕

吳

春驛曉裝圖

欲落未落澹月橫柝聲乍歇車聲鳴旂亭古柳得春早綠烟
深處聞啼鶯馬上曹騰續殘夢風前緩引青絲鞵使君行部
歷郊原往往輕裝屏騶從處溝橋西月一痕淀南淀北沙田
勻漁莊隱隱接野戍風景宛似江南村是時繁花放晴朶碧
衫紗帽吟情頗竹馬無煩卅角迎書囊自遣平頭荷宦遊風
物洽清襟紅樹青蕪一逕深還將走馬芳堤路併入凝香畫
閣心披圖我愛郊行樂酒旗山店東風郭幾樹棠陰萬戶垂

期君行遍陽春腳

爲蟠漪蔣丈題春郊遊藝圖

我生不到紫塞遊黃雲白草馳騁萬里功名紆夢想十年
投筆輕封侯高齋快展遊藝圖圖中花柳交紛敷澄波灩灩
素練鋪碧山浮靄連平蕪平蕪三月江南路絕勝榆關風雪
暮千步毬場林際開五花驄影煙中度晴郊攬轡行步工青
絲紅鬣嘶春風深林竊窺狐兔匿忽驚霹靂鳴琯弓先生少
負青雲器談笑論兵縱輕騎小技還誇負礪心長材未許舒
猿臂掉頭獨賦歸去來蕭然三徑臨風開書袞一字抵寸璧
飽霜秋兔相緣迴壯遊回首浮雲改步屨林邱致瀟灑北海
開尊舊雨多南山射虎雄心在曼胡之纓短後服單急裝成
攜羽鏃興酣貰酒泰孃家半醉歸來倚繡谷城西獵罷日斜

初書劍生涯興有餘最羨少游騎款段絕勝新婦閉帷車

桐廬

此地真瀟灑楓林竹樹邊依山無雉堞近水有人煙樵逕夜
鳴柝漁家曉扣舷前途指巖瀨望古思悠然

石湖秋泛同禱舍人

廷璋高明經景光張玉穀劉漢

顧宗泰三茂才

一髮青山夾鏡明西風雙櫓劃波輕沙棠載酒春橋路半卷
湘簾按玉笙

鷗波千頃越城西烏柏丹楓兩岸齊一抹菰州漁唱遠布帆
阿那人雲溪

石湖別墅長青莎白石風流嘆逝波惟有團欒湖上月夜涼
曾照小兒歌

沙禽點點背人飛
紅樹寒塘夕照微
十里黃花香不斷
鯉魚風裏擢船歸

馮兆觀

字鑑塘山陰人乾隆二十七年舉人

童二樹畫梅寄懷次韻

四海誰識霜鬢鬚
一壑偃臥如寒株
已看枝葉並禿落
那得雨露相滋濡
山人向我寫肝肺
真相乃似遺皮膚
我非君平竟棄世
夢中常想蒼生蘇
馬雖有蹄出無地
玉京空望神仙居
往者友朋盡雲散
慷慨獨與長劍俱
憂人之憂樂人樂
極目寧敢登高呼
渭濱回首白鴈沒
烟波萬里歸元都
況有老梅可作伴
置書飲水誠良圖
生當太平康所補
一衣一食皆爲虛
念此局促夜不寐
仰屋撰述心神枯
料無移文仍嘲及

猿驚鶴怨今知誣何時賀公湖畔路烏菴同坐三山區

再和前韻

逍遙公子今白鬚時憶繞澗梅百株鶴歸應帶片雲至蒼蘿
荒苔雲氣濡忽來洛下住二載每苦塵土侵肌膚作書作畫
自遣興更爲曼韻追尋蘇盤空硬語卻妥帖似在松風亭下
居紛紛玉蘂欲墮砌縞衣月下蹣跚俱二十四篇再三讀鄰
人怪我中夜呼豈知意愜便高唱卽今所得猶大都兼有寄
我斐然作題在巨幅梅花圖老梅作伴意良厚相勸泛宅浮
空虛此詩此畫在世間應令來者銀海枯因君欲作買山計
山靈歎息言非誣歸歟杖策梅花屋嘯歌會在雲水區

蔣雲師

字瑞應青浦人乾隆二十七年舉人官至順天府西路

同知

夜坐

山行苦奔馳寧無幾日暇官牘稍料理如馬銜乍卸蕭然對
中庭最喜在涼夜微風吹空林纖月映幽榭尊酒且淺斟襟
衿及冷矣離乏故人偕勿令歡意謝人生樂有幾流光不少
借卽此閒適餘枉用獨悲咤坐久濕我衣已忘秋露下

陪蘭泉舅氏遊細林諸山泛泖而歸

雨歇春陰薄移舟泝碧溪殘梅香更遠細草綠初齊潮漲烟
村外日斜古刹西小窓同把酒諸嶺望中低

早寒生遠霧殘月墮微茫忽覩朝暉上悠然山色蒼松門開
石鏡竹屋覆葉床眼底五茸勝連巖引興長

泊京口

北固片帆落濤聲岸欲吞雲低孤岫迴日暮大江奔風雨迷
瓜步魚龍起海門蕭然京口客相對只清樽

寄雲道中

驅馬檀州道沙堤取次行亂峰環逕起小邑枕山平晚望村
烟影時聞澗水聲雲根何細碎從此出邊城

對酒

對酒消愁愁更深念誰清夜伴長吟
葭蒼露白渺千里不是伊人無處尋